



文

禮記卷五十一

卷五十一

鄱陽馬

端臨

貴與箸



上皇太皇太后皇太后

母后制及推尊私稱

親見宗廟門此不錄親父母附追尊私親父母

虞舜踐帝位。乃載天子旌旗。往朝瞽瞍。唯謹以子道。

孟子。咸丘蒙問曰。語云。盛德之士。君不得而臣。父

不得而子。舜南面而立。堯帥諸侯北面而朝之。瞽

瞍亦北面而朝之。舜見瞽瞍。其容有憾。孔子曰。於

斯時也。天下殆哉。岌岌乎。不識此語誠然乎哉。孟

子曰。否。此非君子之言。齊東野人之語也。堯老而
舜攝也。堯典曰。二十有八載。放勳乃徂落。百姓如
喪考妣。三年。四海遏密八音。孔子曰。天無二日。民
無二王。舜既為天子矣。又帥天下諸侯以為堯三
年喪。是二天子矣。朱子集註咸丘蒙孟子弟子語
不安貌言人倫乖亂天下將危也齊東齊國東鄙
也孟子言堯但老而不治事而舜攝天子之事堯
時舜未嘗即天子位堯何由北面而咸丘蒙曰舜
朝之乎又引書及孔子之言以明之咸丘蒙曰。舜
之不臣堯。則吾既得聞命矣。詩云。普天之下。莫非
王土。率土之濱。莫非王臣。而舜既為天子矣。敢問
瞽瞍之非臣。如何。白。是詩也。非是之謂也。勞於王

事而不得養父母也。曰。此莫非王事。我獨賢勞也。

不臣堯不以堯為臣使北面而朝也詩小雅北山
之篇普徧也率循也此詩今毛氏序云役使不均
已勞於王事而不得養其父母焉其詩下文亦云
大夫不均我從事獨賢乃作詩者自言天下皆王
臣何為獨使我以賢才而勞苦乎非謂天子可臣其父也孝子之至。莫大乎尊
親。尊親之至。莫大乎以天下養。為天子父尊之至
也。以天下養。養之至也。詩曰。永言孝思。孝思維則。
此之謂也。言瞽瞍既為天子之父則當享天下之
養此舜之所以為尊親養親之至也豈
有使之北面而朝之理乎詩大雅下武之篇言
人能長言孝思而不忘則可以為天下法則也書
曰。祗載見瞽瞍。夔夔齊栗。瞽瞍亦允若。是為父不
得而子也。書大禹謨篇也祗敬也載事也夔夔齊
栗敬謹恐懼之貌允信也若順也言舜

事瞽瞍往而見之敬謹如此瞽瞍亦信而順之也
孟子引此而言瞽瞍不能以不善及其子而反見
化於其子則是所謂父不得而
子者而非如成丘蒙之說也

漢高祖六年尊太公為太上皇

上歸櫟陽五日一朝太公太公家令說太公曰天
亡二日土無二王皇帝雖子人主也太公雖父人
臣也柰何使人主拜人臣如此則威重不行後上
朝太公擁彗李奇曰為恭也如今卒持帚也迎門
卻行卻行退上大驚下扶太公太公曰帝人主柰何
以我亂天下法於是上心善家令言賜黃金五百
斤夏五月丙午詔曰人之至親莫親於父子故父

有天下傳歸於子子有天下尊歸於父此人道之
極也前日天下大亂兵革並起萬民苦殃朕親被
堅執銳自帥士卒犯危難平暴亂立諸侯偃兵息
民天下大安此皆太公之教訓也諸之通侯將軍
群卿大夫已尊朕為皇帝而太公未有號今尊太
公曰太上皇師古曰太上極尊之稱也皇君也天子
之父故曰皇不預治國故不言帝也

後漢荀悅曰孝經云故雖天子必有尊也言有
父也王者父事三老以示天下所以明孝也無
父猶設三老之禮况其存者乎孝莫大於嚴父
故子尊不加於父母家令之言於是過矣

晉愍懷太子令問中庶子劉寶云。太公家令說太公為是為非。對曰。苟悅論賜家令為非。臣以為悅不識高帝意。高帝雖貴為天子。事父不失子之禮。時即位已六年。而不加父號。是以家令言雖父。乃人臣也。言無可尊敬。當與人臣同禮。欲以此感動之。帝聞家令言。乃悟。即立號太上皇。得人子尊父之道。若不聞家令言。父終無號矣。家令說。是也。師古亦以為善其發悟已心因得尊崇父號非善其令父敬已

漢因秦之稱號。帝母稱皇太后。祖母稱太皇太后。高祖崩。惠帝即位。尊呂皇后為皇太后。太后首末並見皇后門後

同惠帝崩。太后取後宮子。名為孝惠子。立之。年幼。太

后臨朝稱制。師古曰天子之言一曰制書二曰詔書制書者謂為制度之命也非皇后所得

稱今呂太后臨朝行天子事斷決萬機故稱制詔立兄子呂台產。祿台子通

四人為王。封諸呂六人為列侯。四年。少帝自知非皇

后子。出怨言。太后廢之。立恒山王弘為帝。八年。皇太

后崩。諸呂謀亂。大臣誅之。

文帝立。尊母薄姬為皇太后。姬初為代太后薄氏侯者一人。

後文帝崩。二歲。孝景前二年崩。葬南陵。用呂后不合

葬長陵。故特自起陵。近文帝。

景帝立。尊母竇皇后為皇太后。竇氏侯者三人。後景

帝六歲。以武帝元光六年崩。

武帝立。尊母王皇后為皇太后。王氏。田氏。侯者凡三人。後景帝十五歲。元朔三年崩。合葬陽陵。

昭帝崩。霍光迎立昌邑王賀。尊上官皇后為皇太后。既廢賀。立宣帝。尊太后為太皇太后。以建昭二年崩。合葬平陵。

元帝立。尊孝宣王皇后為皇太后。元帝崩。成帝即位。為太皇太后。王氏列侯二人。關內侯一人。時成帝母亦姓王氏。故世號太皇太后為邛成太后。永始元年

崩。合葬杜陵。稱東園。

師古曰。雖同營兆而別為墳。王后陵次宣帝陵東。故曰東園也。

成帝立。尊母王皇后為皇太后。以平陽侯鳳為大司馬。大將軍。領尚書事。又封太后同母弟崇為侯。鳳庶弟譚為關內侯。後五年。又封舅譚商立根逢。時皆為侯。世謂之五侯。後又封兄子莽為新都侯。哀帝即位。尊為太皇太后。哀帝崩。無子。太皇太后以莽為大司馬。立平帝。太后臨朝。委政於莽。群臣希旨。奏請莽為安漢公。宰衡。平帝崩。莽徵宣帝玄孫嬰為帝。居攝踐祚。既而即真。號太后為新室文母。年八十四。建國五年崩。合葬渭陵。

司徒掾班彪曰。三代以來。春秋所記王公國君。

與其失世稀不以女寵漢興后妃之家呂霍上官幾危國者數矣及王莽之興由孝元后歷漢四世為天下母享國六十餘載群弟世權更持國柄五將十侯卒成新都位號已移於天下而元后拳拳猶握一璽不欲以授莽婦人之仁悲夫

致堂胡氏曰外戚之禍在王氏然漢初功臣平勃等預有臯焉高祖崩唱言呂后與帝共定天下帝王諸劉后王諸呂無不可者共定之語本出酈寄然當此時必有此議論於是太裂土疆以王諸呂侵弱劉氏罪

一也孝惠即世聽張辟強之說縱諸呂居中用事專權禁闥共幹兵柄上以媚太后下以安己身由是諸呂不可制罪二矣高后即世雖能誅諸呂立孝文然自茲以往母后習見前世用事例為出閭之言觀大臣議所言皆曰齊王高帝孫然母家駟鈞惡淮南王母家又惡獨代王母家薄氏謹良遂立孝文則平勃之徒畏母后深矣蓋漢母后預政不必臨朝少主雖長君亦然竇太后好黃老惡儒士儒士多不得進趙綰王臧欲助上興制度則發其姦利寢之竇嬰兄子

也惡之則除門籍喜之則為相。梁孝王愛之則誦言請立為嗣。不顧太宗之重。王太后於灌夫罵坐則不食。論弃市。韓嫣帝所貴也。太后欲殺之。則帝不能救。可謂司晨預事矣。武帝欲立昭。則先殺鈞弋夫人。馴致王氏篡奪。其所從來者遠矣。

先公曰。今按胡氏之說。足以盡西京外戚貽禍之本末矣。嘗因是而極論之。天地間有陽不能無陰。陰而乘陽。則宇宙分裂。人極隳亡矣。歐陽公謂宦官之禍甚於女子。蓋為唐末一代言之。

耳。以古今大勢論。則女禍深矣。少女子能蠱惑人主。以亡國。老女子能崇長外戚。以亡國。三代之亡國。皆由此物矣。周之東遷。以褒姒。周雖不亡於此。已衰於此矣。秦后始有宣太后穰侯之專。莊襄悅美姬以易其宗。漢高帝起於閭閻。呂氏初無功於王業也。而漢初諸人之論。每以為呂氏雅故本推鼓高帝就天下。田生語註謂翼載以成帝業若推車之行助又謂呂后與高帝共定天下。語寄是以諸呂之心。自謂與諸劉等憫然有取而代之之意。而後動於惡。中間霍氏擁昭立宣。陰妻邪

謀特覺之早耳。而終不免莽新之亂焉。曹魏之見篡於司馬氏也。一再廢殺。專以母后為之主。及晉武帝平吳之後。耽惑女寵。楊賈實召五胡亂華之禍。天下既為南北矣。齊陳以女色亡。元魏以淫后亡。隋文帝起外戚以篡周。唐高祖主外戚竊宮嬪以取隋。太宗寵武才人。開聚麀之醜。子孫殲焉。祿山之起。為太真妃也。唐雖未亡於此。而已衰於此矣。河朔失而勁兵亡。東南虛而蠻禍起。非權輿於天寶末乎。朱梁以女寵開子禍而亡。後唐莊宗以劉后殺功臣。勒軍賞而

亡。皆女子之為也。

哀帝立。尊趙后為皇太后。趙氏侯者二人。哀帝為太子。頗得趙太后力。傳太后恩。趙太后亦歸心。故成帝母及王氏皆怨之。哀帝崩。王莽白太后。太后詔有司曰。前皇太后與昭儀俱封帷幄。姊弟專妬。殘滅繼祀。以危宗廟。貶為孝成皇后。徙北宮。後月餘。復詔廢為庶人。就其園自殺。立十六年。哀帝既為太子。成帝母王太后欲令傳太后哀帝祖母丁姬哀帝母。十日。一至太子家。成帝曰。太子承正統。共養。陛下不得復顧私親。王太后曰。太子小而傳太后抱養之。今至太子

家以乳母恩耳。於是令傅太后得至太子家。丁姬以不小養太子。獨不得。哀帝即位。王太后詔令傅太后丁姬十日一至未央宮。後下詔尊定陶共王為共皇。尊傅太后為共皇太后。丁姬為共皇后。各置左右詹事。食邑如長信宮中宮。後歲餘。下詔曰。漢家之制。推親親以顯尊尊。定陶共皇之號不宜復稱。定陶其尊共皇太后為帝太后。丁姬為帝太后。復又更號帝太太后為皇太太后。稱永信宮。帝太后稱中安宮。而成帝母太皇太后。本稱長信宮。成帝趙后為皇太后。並四太后。各置少府。太僕秩皆二千石。傅氏侯者六

人。傅太后既尊。後尤驕。元壽元年崩。合葬渭陵。稱孝元傅皇后。丁氏侯者二人。太后建平二年崩。起陵恭皇之園。哀帝崩。王莽秉政。使有司舉奏丁傅罪惡。皆免官爵。徙故郡。貶傅丁二太后號。夷其陵。

東漢明帝即位。尊陰皇后為皇太后。永平七年崩。在位二十四年。年六十。合葬原陵。

肅宗即位。尊馬皇后為皇太后。帝欲封爵諸舅。太后不聽。建初四年崩。在位二十三年。年四十餘。合葬顯節陵。

和帝即位。尊竇皇后為皇太后。太后臨朝。元憲等並

顯貴。擅威權。後密謀不軌。發覺誅。九年。太后崩。在位十八年。臨朝四年。未葬。而帝母梁貴人姊嬪。一計上反。書陳貴人為后所陷。枉歿之狀。太尉張酺等請依光武黜呂太后故事。貶太后尊號。不宜合葬先帝。帝手詔曰。竇氏雖不遵法度。而太后常自減損。朕奉事十年。深惟大義。禮臣子無貶尊上之文。恩不忍離。義不忍虧。按前世上官太后。亦無降黜。其勿復議。於是合葬敬陵。

和帝崩。長子平原王有疾。而諸皇子夭歿。前後十數。後生者輒隱祕。養於人間。殤帝生始百日。竇皇后迎

立之。尊后為皇太后。太后臨朝。殤帝崩。太后定策立安帝。猶臨朝政。以連遭大憂。百姓苦役。乃詔減除浮費。錄寃獄。自太后臨朝。水旱十載。四夷外侵。盜賊內起。每聞人饑。或達旦不寐。躬自減徹。以救災厄。故天下復平。歲還豐穰。永寧二年崩。在位二十年。臨朝十七年。四十一。合葬順陵。

范曄論曰。鄧后稱制終身。號令自出。術謝前政之良。身闕明辟之義。前政謂周公也。辟若也。尚書曰。朕復于明辟。言周公

攝位復還成王今太至使嗣主側目。斂衽於虛器。器謂神器也。直生懷懣。懸書於象魏。象魏闕也。直生杜根

等上書請借之儀者。殆其惑哉。借猶假也。太后不還近

太后還政。然而建光之後。王柄有歸。太后建光

遂乃名賢戮辱。便孽黨進。帝寵用乳母王聖及

通傳。茲賂太尉楊震。及衰斃之來。茲焉有徵。敗

逾甚。故曰有徵也。故知持權引謗。所幸者非已。

焦心卹患。自強者唯國。言執持朝權。以招眾謗

也。是以班母一說。闔門辭事。太后兄大將軍。臨

太后不許。以問班昭。愛姪微愆。髡剔謝罪。太后

乃許之。語見昭傳也。遂髡妻將杜根逢誅。未值其

誠乎。誠信也。所言未信。但蹊田之牛。奪之已甚。左傳

時曰牽牛以蹊人之田而奪之牛。牽牛以蹊者。信有罪矣。而奪之牛。罰已重矣。此喻杜根上書

雖曰有罪。太后殺之。為過甚也。

安帝閻皇后與兄顯及江京譖皇太子保廢為濟陰

王。帝崩為皇太后。欲久專國政。貪立幼年。與顯等定

策禁中。迎濟北惠王子北鄉侯懿立為皇帝。太后臨

朝。蔡邕獨斷曰。少帝即位。太后即代攝政。臨前殿。朝

通一詣。少帝。少帝立二百餘日而薨。京白太后徵濟北

河間王子。未至而中黃門孫程等合謀殺江京等。立

濟陰王。是為順帝。顯等皆伏誅。遷太后於離宮。家屬

徙北。景明年。太后崩。在位十二年。合葬恭陵。順帝崩。

梁皇后無子。美人虞氏子炳立。是為冲帝。尊后為皇太后。太后臨朝。冲帝尋崩。復立質帝。猶秉朝政。時寇盜羗蠻擾亂。賦歛煩數。官民困竭。太后夙夜勤勞。推心拔賢。委任太尉李固等。拔忠良。誅貪慝。崇節儉。寇夷消弭。海內肅然。而兄大將軍冀。鴆殺質帝。專權暴忌。數以邪說疑誤太后。遂立桓帝而誅李固。天下失望。和平元年。歸政尋崩。在位十九年。臨朝六年。年四十五。合葬憲陵。

桓帝既立。追尊本生父蠡吾侯翼為孝崇皇。梁太后既崩。乃追尊妾母閔氏為孝崇皇后。遣司徒持節奉

策授璽綬。賫乘輿器服備法物。官曰。永樂。置太僕少

府以下。皆如長樂宮故事。

漢官儀曰。帝祖母稱長信。官帝母稱長樂。官故有長

信少府長樂少府及職吏皆宦官為之。

又置虎賁羽林衛士。起宮室。分

鉅鹿九縣為后湯沐邑。在位三年。元嘉二年崩。以帝弟平原王石為喪主。葬儀比皇后。

桓帝崩。無子。竇皇后為皇太后。臨朝定策。立解瀆侯宏。是為靈帝。太后父大將軍武。謀誅宦官。而中常侍曹節等。矯詔殺武。遷太后於南宮。雲臺。家屬徙北景。竇氏雖誅。帝猶以太后有援立之恩。朝于南宮。親饋上壽。供養。資奉有加於前。熹平元年崩。立七年。合葬

宣陵

靈帝既立。追尊本生父解濟侯世長。為孝仁皇夫人董氏為孝仁皇后。迎至京師。居南宮嘉德殿。官稱永樂。及竇太后崩。始預政。使帝賣官求貨。帝崩。何太后臨朝。孝仁后欲參預政事。太后輒禁塞之。忿恚。太后與兄何進謀。奏蕃后故事。不得留京師。請遷本國。收其兄子重。免官。重自殺。孝仁后以憂崩。在位二十二年。

靈帝崩。皇子辨即位。尊母何皇后為皇太后。臨朝。后兄大將軍進欲誅宦官不克。反為所害。董卓將兵入洛陽。遂廢少帝而立協。是為獻帝。遷太后於永安宮。遇鳩而崩。在位十年。

范曄論曰。自古雖主幼時艱。王家多釁。必委成冢宰。簡求忠良。未有專任。婦人斷割重器。唯秦羊太后始攝政事。故穰侯權重於昭王。家富於

嬴國。太后昭王母也。號宣太后。史記曰。昭王立。年少。宣太后自知事以同母弟魏冉為將。軍。任政。始於此也。漢仍其謬。知患莫改。東京

皇統屢絕。權歸女主。外立者四帝。安質臨朝者。桓靈。

六后。章帝竇太后和熹鄧太后安思閻太后順。烈梁太后桓思竇太后靈思何太后也。

莫不定策帷帟。委事父兄。貪孩童以父其政。抑

明賢以專其威。周禮幕人掌帷幄中坐承塵也。鄭

帝崩鄧太后與兄冀迎立質帝年八歲質帝崩太

崩梁太后與兄冀迎立質帝年八歲質帝崩太

實太后與冀父武迎立靈帝年十二任重道悠。

利深禍速身犯霧露於雲臺之上。霧露謂疾病

死故假霧露以言之靈帝時中常侍曹節矯詔

遷太后於雲臺謝弼上封事曰伏惟皇太后援

立明聖幽居空宮如有霧露之家嬰縲紲於圜

疾陛下當何面目以見天下

犴之下。縲索也。紲擊也。圜周獄等被誅也。

湮滅連踵傾軛繼路。踵跡也。軛車後車也。賈而赴

帝替神寶也。踏不息。焦爛為期。終陵夷大運。淪亡神寶。猶夷

帝位也。詩書所歎。略同一揆。故考列行跡以為

皇后本紀。

魏文帝受禪。尊下后曰皇太后。稱永壽宮。明帝即位。

尊太后曰太皇太后。太和四年崩。合葬高陵。

黃初元年。詔曰。婦人與政。亂之本也。自今以後。群臣

不得奏事太后。后族之家不得當輔政之任。又不得

橫受茅土之爵。以此詔傳之後世。若有違背。天下共

誅之。

明帝立。尊郭皇后為皇太后。稱永安宮。青龍三年。帝

數問甄后死狀於太后。由是太后以憂崩。

齊王即位。尊郭皇后為皇太后。稱永寧宮。其後值三

主幼弱。宰輔統政。與奪大事。皆先咨啓於太后而後施行。毋丘儉。鍾會等作亂。咸假其命以為辭焉。景元四年崩。葬高平陵西。

景元元年十一月。燕王表賀冬。稱臣。

帝即燕王。字之子。字稱臣。故以

疑詔曰。古之先王者。或有不臣。今王宜依此表。不稱臣乎。又當為報答。夫係大宗者。降其私親。况所係者重耶。若便同之。臣妾朕所未安。其皆依禮典。據當務。盡其義。有司議奏。以為禮莫崇於尊祖。制莫重於王典。陛下紹太宗之重。崇三祖之業。伏惟燕王禮尊屬戚。正位蕃服。躬秉虔肅。以先萬國。其於王典。闡濟大

順。誠宜割以非常之制。奉以不臣之禮。臣等立議。以為燕王章表可聽。如舊式中詔所施。宜曰皇帝敬問大王侍御。議又云。至於制書國之舊典。朝廷所以辯章於天下者也。宜循法。故曰制詔燕王。議又曰。凡詔命制書奏事。上書文書。有應稱燕王者。皆云上字。其非宗廟助祭之事。不得稱王名。奏事上事及吏人。皆不得觸王諱。以彰殊禮。加於群后。云上遵王典。尊祖之制。俯順聖旨。敬承之心。晉何琦議曰。父母之尊。擬則天地君親之道。資敬是同。今承受命運。君臨率土。而父以子尸。天祿不敢。子天子以明王者之道。而

子雖以為天子必有尊也。推斯以言，父必臣，天位之君而子自必尊。天性之父。

晉惠帝即位，尊楊皇后為皇太后。后父駿受遺詔輔政。元康元年，賈后不肯以婦道事太后，又欲干預政事，而為太傅駿所抑，乃啓帝作詔，誣駿謀反，誅之。夷其族。賈后矯詔使後軍將軍荀悝送太后于永寧宮。特全太后母高都君龐氏之命，聽就太后居。尋復諷羣公有司奏曰：皇太后陰潛姦謀，圖危社稷，飛箭繫書要募壯士，同惡相濟，自絕于天。魯侯絕文，姜春秋所許，蓋奉祖宗任至公於天下。陛下雖懷無已之情。

臣下不敢奉詔。詔曰：此大事，更詳之。有司又奏宜廢皇太后為峻陽庶人。中書監張華議：皇太后非得罪於先帝，今黨其所親為不母。於聖世宜依漢廢趙太后為孝成后故事，貶皇太后之號，還稱武皇后。居異宮，以全始終之恩。左僕射荀悝與太子少師下邳王晃等議曰：皇太后謀危社稷，不可復配先帝，宜貶尊號。廢詣金墉城。於是。有司奏請從晃等議。廢太后為庶人。詔可。又奏楊駿造亂，家屬應誅。詔原其妻龐命，以慰太后心。今太皇后廢為庶人，宜以龐付廷尉行刑。詔不許。有司復請，乃從之。龐臨刑，太后抱持號叫。

截髮稽顙上表。詣賈后稱妾。請全母命。不見省。董養遊太學。升堂嘆曰。朝廷建斯堂。將以何為乎。每覽國家赦書。謀反大逆皆赦。至於殺祖父母。父母不赦者。以為王法所不容。故也。柰何公卿處議文。飭禮典。乃至此乎。天人之理。既滅。大亂將作矣。二年。太后以絕膳而崩。年三十四。在位十五年。永嘉初。追復尊號。致堂胡氏曰。按群公有司所奏。張華所議。徑以太后圖危社稷。不母於聖世。方是時。討楊駿者。兩親王將殿中兵而出。駿既無逆謀。至是又未嘗有一戈指闕。坐受攻討。感迫而死。太后以父

之故。射帛于外。以祈免耳。不知何名為圖危社稷。不母於聖世乎。及有司再請廢后為庶人。詔旨畫可。華不復切諫。依阿緘默。陰附虐后。而庸奴其君。不待式乾之事。已當誅殛。不得赦矣。

先公曰。賈后殺故楊太后。饑而死之也。武帝身創大業。且智力足以得天下。而無以保妻子。何也。司馬氏三世以來。強人之母。以廢人之子。奪人之國。宜有斯報矣。彼且以虛罪誣高貴鄉公。而實受報於武悼后。且皆是賈氏發之。駕虛罪於高貴鄉公者。充也。效實報於楊太后者。南風

也。天道昭昭，亦巧於示報矣。

東晉成帝即位，尊庾皇后為皇太后。群臣奏：天子幼冲，宜依漢和熹皇后故事，辟讓數四，不得已臨朝稱萬機。后兄中書令亮管詔命，公卿奏事稱皇太后陛下。及蘇峻作逆，京師傾覆，后見遇辱，遂以憂崩。年三十二。在位六年。

哀帝即位，詔有司議生母章貴人位號，乃尊為皇太妃。儀服與太后同。又詔朝臣不為太妃敬合典禮。下太常江道議：位號不極，不應盡敬。興寧元年薨，帝欲服重服。江徽啓：應總麻三月。詔欲降為期年。徽又啓：

厭屈私情，所以上嚴祖考，帝從之。

穆帝即位，尊褚皇后為皇太后。以帝幼冲，臨朝稱制。太常殷融議：從鄭玄議，后父衛將軍裒，在宮庭則盡臣敬，太后歸寧之日，自如家人之禮。太后詔曰：典禮誠所未詳，如數奏，是情所不能安也。更詳之。征西將軍翼等議：謂父尊盡於一家，君敬重於天下。鄭玄議合情理之中。太后從之。自是朝臣皆敬裒焉。帝加元服，乃居崇德宮。哀帝海西公之世，太后復臨朝稱制。簡文帝即位，尊后為崇德太后。帝崩，孝武幼冲，群臣復請臨朝。孝武冠復，稱崇德太后。太元九年崩于顯。

陽殿年六十一。在位四十年。太后於帝為從嫂。朝議疑其服。太學博士徐澡議曰。資父事君而敬同。又曰。其夫屬父道者。妻皆母道也。則夫屬君道。妻亦后道矣。服后以齊母之義也。魯譏逆祀以明尊卑。今上躬奉康穆哀皇及靖后之祀。致敬同於所天。豈可敬之以君道。而服廢於本親。謂應齊衰期。從之。

孝武皇帝即位。尊生母李氏為淑妃。太元三年。進為貴人。九年。又進為夫人。十二年。加為皇太妃。儀服一同太后。十九年。尊為皇太后。稱崇訓宮。安帝即位。尊為太皇太后。隆安四年。崩。葬脩平陵。神主祔于宣太

后廟

宣太后簡文帝母也

徐邈與范甯公書訪其事。甯答謂子不得爵命母妃。是太子婦號。必也正名。可以稱母也。邈重與甯書曰。禮天子之妃曰后。闕睢稱后妃之德。妃后之名。可謂太同。所以憲章皇極。禮崇物備者。在於此也。故太后之號。定於前朝。而當今所率由也。若必欲服章同於后。而名號異於妃。則可因夫人之稱。而加皇太以明尊。雖曰一理。然於文物之章。猶未盡崇高之極。此又今之所疑。不可得而行也。足下嫌太子妻稱妃。然古無此稱。出於後代。今有皇太

之別。可例論耶。

宋武帝受禪。尊後母蕭氏為皇太后。帝事太后孝謹。即位時。春秋已高。每旦朝太后。未嘗失時刻。少帝即位。尊為太皇太后。景平元年崩。年八十一。宋武帝將崩。手詔曰。後世若有幼主。朝事一委宰相。母后不煩臨朝。

孝武即位。尊母淑媛為皇太后。宮曰崇憲。廢帝立為太皇太后。明帝立。號崇憲太后。乃居中宮崩。

廢帝即位。尊孝武王皇后為太后。宮曰永訓。其年崩。後廢帝即位。尊明帝王皇后為皇太后。宮曰弘訓。順

帝禪位。遷居丹陽宮。拜汝陰王太妃。順帝殂。更立帝都下。薨于第。

後廢帝母陳氏既即位。尊為皇太妃。輿服一如晉孝武李太妃故事。宮曰弘化。置家令一人。改諸國太妃曰太姬。昇明初。降為蒼梧王太妃。

陳文帝即位。尊武帝章皇后為皇太后。宮曰慈訓。廢帝即位。后為太皇太后。光大二年。后下令黜廢帝為臨海王。命宣帝嗣立。大建元年。復為皇太后崩。年六十五。

後主即位。尊宣帝柳皇后為皇太后。宮曰弘範。陳亡

入長安。隋大業十二年薨于東都。年八十三。後魏太武即位。尊明元杜皇后為皇太后。封后弟為遼東王。真君元年崩。詔天下大臨三日。別立后寢廟於陵所。

文成即位。尊文成馮皇后為太后。帝年十二。居諒闇。丞相乙渾謀逆。后密定策誅之。遂臨朝聽政。內行不正。寵李弈等。獻文誅弈。遂害獻文。孝文時。尊曰太皇太后。后多智猜忍。能行大事。十四年崩。年四十九。孝文行三年喪。魏獻文帝好黃老浮屠之學。雅薄富貴。常有遺世之心。欲禪位於京兆王子推。羣臣固諫。任城王雲曰。陛下方隆太平。臨覆四海。豈得上違宗廟。下棄兆民。且父子相傳。其來久矣。陛下必欲委棄塵務。則皇太子宜承正統。中書令高元曰。願陛下上思宗廟。託付之重。追念周公抱成王之事。帝曰。然則立太子。群公輔之。有何不可。乃傳位於太子。下詔曰。朕希心玄古。志存澹泊。爰命儲宮。踐升大位。朕得優游恭己。栖心浩然。群臣奏曰。昔漢高祖稱皇帝。尊其父曰太上皇。明不統天下也。今皇帝幼冲。萬機大政。猶宜陛下總之。謹上尊號曰太上皇帝。從之。上皇徙居崇

文獻通考卷三百五十一
二十一

光宮。采掾不斷。土堦而已。國之大事。咸以聞。崇光宮
在北苑中。又建鹿野浮屠於苑中之西山。與禪僧居
之。五年崩。

明帝即位。尊宣武高皇后為皇太后。尋為尼。居瑤光
寺。非大節慶不入宮中。時天文有變。靈太后欲以后
當之。遂暴崩。天下寃之。喪還環光佛寺。殯皆以尼禮。
明帝尊母胡光華為皇太妃。後尊為皇太后。臨朝聽
政。猶曰。殿下。後改令稱詔。群臣上書曰。陛下自稱曰
朕。以明帝冲幼。未堪親祭。欲依周禮。夫人與君交獻
之義。代行祭禮。禮官博議以為不可。而太后欲以幃

幔自鄣。觀三公行事。重問侍中崔光。光便據漢和熹
鄧后薦祭故事。太后大悅。遂攝行初祀。臨朝淫恣。五
年。為元义所幽。又六年。誅义。復臨朝。自是朝政踈緩。
恩威不立。又三年。鳩孝明立。孝文曾孫釗。爾朱榮興
兵向闕。沉后于河。

齊文宣受禪。尊母婁妃為皇太后。官曰。宣訓。濟南即
位。尊為太皇太后。密與孝昭及諸大將誅楊愔等。廢
濟南立孝昭。後為皇太后。孝昭崩。又下詔立武成帝。
大寧二年崩。年六十二。
武成即位。四年。傳位於太子緯。自稱太上皇。又四年

崩
後主即位。武成既崩，尊武成胡后為皇太后。后內行不謹，幸和士開及沙門曇獻等。齊亡入周，又恣行姦穢。開皇中殂。

周武帝即位，尊母叱奴氏為皇太后。建德二年崩。宣帝即位，尊武帝后阿史那氏為皇太后。大象元年，改為天元皇太后。二年，又尊為天元上皇太后。宣帝崩，靜帝尊為太后。隋開皇二年殂。年三十二。又尊母李氏為帝太后。大象元年，改為天元帝太后。又尊為太皇太后。二年，又尊為天元聖皇太后。靜帝立，尊

為大帝太后。隋開皇初，出俗為尼。八年殂，以尼禮葬。宣帝既立一年，傳位於太子闡，自稱天元皇帝。所居稱天臺，冕二十四旒，車旂鼓皆倍於前王之數。每對臣下，自稱為天，用樽彝珪瓚以飲食，令群臣朝天臺者，齋三日，清身一日。自比上帝。立五皇后，二年而崩。天元崩，靜帝時，楊堅秉政，尊天元楊后為皇太后，居弘聖宮。堅既受禪，后憤惋愈甚，堅內甚愧之。開皇中封為樂平公主。大業五年殂。靜帝母朱氏，天元崩後，尊為帝太后。隋初，出俗為尼。

文獻通考卷二百五十一

文獻通考卷二百五十二

帝系考

太上皇太皇太后皇太后

唐高祖武德九年。詔禪位于皇太子。稱太上皇。上皇以私義宮有山林勝景雅好之。貞觀三年。四月。乃徙居之。改為大安宮。上屢請上皇避暑九成宮。上皇以隋文帝終於彼。惡之。乃營大明宮。以為上皇清暑之所。未成。而上皇寢疾。不果居。九年崩。

高宗崩。太子即位。詔軍國大事。聽天后處分。元年。天

后廢帝遷之房陵。立睿宗幽於別宮。五年。自稱聖母神皇。殺唐宗室諸王。又二年。自稱大周聖神皇帝。以睿宗為皇嗣。賜姓武氏。追謚祖考為帝。立武氏七廟。封武三思等為王。又十四年。張柬之等奉中宗誅張易之。張昌宗。帝復位。其年后崩。

韋后鸞弒中宗。立殤帝為皇太后。臨朝總庶政。臨淄王隆基舉兵誅之。追廢為庶人。

睿宗在位二年。制傳位于太子。太子表固辭。太平公主勸上雖傳位。猶宜總太政。上乃謂太子曰。汝以為天下事重。欲朕兼理之邪。昔舜禪禹。猶親巡狩。朕

雖傳位。豈忘國家。其軍得大事。當兼省之。八月庚子。

玄宗即位。尊睿宗為太上皇。上皇自稱曰。朕。命曰。誥。

五日。一受朝於太極殿。皇帝自稱曰。予。命曰。制。勅。日。

受朝於武德殿。三品以上除授。及大刑政。決於上皇。餘皆決於皇帝。明年。七月。上誅太平公主。及其黨。上皇誥自今軍國政刑。一皆取皇帝處分。朕方無為養志。以遂素心。是月。徙居百福殿。開元四年。上皇崩。

致堂胡氏曰。睿宗每自謂素懷淡泊。不樂世務。然則盍不於傳位之時。盡釋萬樂。擿太平亦無所恃而謀亂。乃有眷眷之情。尚知大政昧於亢。

龍有悔之義。是以不智處身。而以不孝處其子也。豈非後王之戒哉。

又曰。玄宗舉兵誅討韋氏。雪君憤辱。厥功雖大。而意在自取。不得已而歸之於父。尋又怵惑邪說。殺父同氣。至使睿宗盡釋大權。而問安侍膳。以天下養之事。一無聞焉。其友愛隆厚。獨施之五王。同寢共宴。遊戲賞樂。更奏絲竹。親煮藥餌。何其至也。豈非以手足天性均出於父乎。施諸手足者如此。於父宜如何。而孝養無聞。五月而葬。不太薄乎。古之人所以大過人者。無他。善推

其所為而已。玄宗能其小而不能其大。力於次者而忽於至者。不推其所為。無乃初心有利欲之蔽乎。無乃惑宋王之讓已而薄其父乎。雖享國日久。而天理好還。終不可違。是故正其義。不謀其利者。為子則孝。為臣則忠。自天子至於庶人。其揆一也。

肅宗至德元年。即位於靈武。尊玄宗曰。上皇天帝。靈武使者至蜀。上皇喜曰。吾兒應天順人。吾復何憂。制自今改制。勅為誥表。疏稱太上皇。四海軍國事。皆先取皇帝進止。仍奏朕知。俟克復上京。朕不復預事。命

韋見素。房瑄崔渙奉傳國寶玉冊詣靈武傳位。二年。克復兩京。使韋見素入蜀奉迎上皇。上皇至鳳翔。從兵六百餘人。上皇命悉以甲兵輸郡庫。上發精騎三千奉迎。十二月丙午。上皇至咸陽。上備法駕迎於望賢宮。上皇在宮南樓上。釋黃袍著紫袍。望樓下馬趨進拜舞於樓下。上皇降樓撫上而泣。上捧上皇足。嗚咽不自勝。上皇索黃袍自為上著之。上伏地頓首固辭。上皇曰。天數人心皆歸於汝。使朕得保養餘齒。汝之孝也。上不得已受之。父老在伏外歡呼且拜。上令開仗縱千餘人入謁。上皇曰。臣等今日復覩二聖相

見。死無恨矣。上皇不肯居正殿。曰。此天子之位也。上固請。自扶上皇登殿。尚食進食。上品嘗而薦之。丁未。將發行宮。上親為上皇習馬而進之。上皇上馬。上親執鞚行數步。上皇止之。上乘馬前引。不敢當馳道。上皇謂左右曰。吾為天子五十年。未為貴。今為天子父。乃貴耳。左右皆呼萬歲。上皇自開遠門入大明宮。御含元殿。慰撫百官。乃詣長樂殿九廟主。慟哭久之。即日幸興慶宮。遂居之。上累表請避位還東宮。上皇不許。時李輔國暴貴用事。上皇左右皆輕之。輔國意恨言於上曰。上皇居興慶宮。與外交通。陳玄禮高力士

謀不利於陛下。當為社稷計。豈得徇匹夫之孝。若迎居大內以杜絕小人。上不應上元元年。上寢疾。輔國矯詔將五百騎露刃迎上皇。遷居甘露殿。上皇驚幾墜。所留侍衛纔百餘人。流力士等於遠方。輔國等詣上請罪。上曰。卿防微社漸。以安社稷。何懼也。自是上皇日以不懌。辟穀成疾。上初猶往問安。既而但遣人起居。寶應元年。上皇崩。

致堂胡氏曰。靈武即位之事。玄宗既有傳位之

命。則太子非叛也。

范氏唐鑑謂肅宗以皇太子

父何以討

祿山也。其失在玄宗。命不亟行。而裴冕諸人

急於榮貴。是以致此咎也。唐高祖睿玄之為上皇。非所欲也。勢可以釋位而不釋。遂至逼迫。不見幾故也。而太宗明肅不能少待。或稱兵。或借便。皆有奪位之惡。欲速見小利故也。父不父子不子。昧於春秋首惡誅之戒甚矣。豈非後世之大鑒歟。

又曰。內寵嬖豎合而為一。人主不悟。又委信之。其終不至於篡弑逆亂者。古無有也。肅宗之事。亦可以為監矣。夫祖考所為賢且德也。子孫晞之。鮮能及者。非賢非德也。子孫效之。鮮不過焉。

兩漢而下。繼世之君。往往柩前即位。孰有為天子子。親承大寶。得問安侍膳。舉四海之養。以全其孝。盡其樂。如唐數君。可謂千載一時。不可逢之嘉會矣。而太宗明皇。肅宗之孝道。無稱焉。豈非自太宗失之歟。高祖睿玄晚節。末路不免兵甲震驚之禍。而玄宗尤酷。嗚呼。悲夫。輔國之言曰。陛下當為社稷大計。豈得徇匹夫之孝。夫孝以奉父母為先。然後上及於祖宗。今父在也。乃困其身。怵其心。而社稷是安。此中人以下所能辨者。肅宗不察。蓋自馬嵬西行。輔國已有是言。今又云爾。是知肅宗為人。可誘以利。故也。當是白刃脅遷。盡去左右之人。而居西內。上皇辟穀成疾。以致殂殞。其異於趙武靈王沙丘之禍。幾希矣。夫以討賊之故。奪父之位。其終至於如此。使安慶緒史朝義而有知。豈不含笑於九泉。元結頌唐中興曰。盛德曰大業。是過譽其始而未知其終也。

順宗永貞元年。德宗崩。即位。疾不能視事。傳位太子純。稱太上皇。憲宗元和元年。太上皇崩。憲宗立。尊順宗王皇后為皇太后。十年崩。年五十四。

穆宗立尊憲宗郭后為皇太后。敬宗立尊為太皇太后。宣宗立母鄭故侍兒有曩怨。帝奉養后禮稍薄。后鬱鬱不聊。太中二年暴崩。

宣宗立尊母鄭妃為皇太后。懿宗尊為太皇太后。咸通六年崩。

敬宗立尊穆宗王后為皇太后。文宗時稱寶曆太后。大和五年宰相建白以太皇太后與寶曆太后稱號未辨前代詔令不敢斥言。皆以宮為稱。今寶曆太后居義安殿。宜曰義安太后。詔可。會昌五年崩。

文宗立尊母蕭氏為皇太后。太和中懿安太后居興

慶宮。憲宗后文寶曆太后居義安殿。穆宗妃后居內

殿。穆宗妃號三宮。太后帝每五日問安。及歲時慶謁

率由複道至南內。群臣及命婦諸宮門候起居。有司

獻四時新物送三宮。亦稱賜。帝曰上三宮何可言賜。

遽索筆改賜為奉。

按唐自肅宗張后之後未嘗有正位長秋者。史所載皇后皆追贈其太后。則皆所生子為帝而奉。上尊號者也。憲宗以郭汾陽孫女為妃。既為令族。又有淑德。可以正位矣。乃以其宗強恐既立之後。後宮不得進。遂終身為妃。自後人主皆

不立后。然文宗崩。既有太子。仇士良等廢之而立武宗。武宗崩。既有皇子。諸宦官廢之而立宣宗。宣宗崩。遺命立夔王。宗實等廢之而立懿宗。雖當時中人專橫。今古所無。然亦因椒房虛位。宮闈無主。所謂皇子者。皆無寵無威之人。故上躬彌留之際。宰輔既隔在外。庭中人遂得以肆行無忌。顯違詔旨。私立所厚。而莫由禁止也。昭宗為朱全忠所弑。哀帝即位。尊何后為皇太后。徙居積善宮。號積善太后。帝既禪位。后亦遇害。後唐莊宗既即位。冊尊母曹氏為皇太后。而以嫡母

劉氏為皇太妃。往謝太后。太后有慚色。太妃曰。願吾兒享國無窮。使吾獲沒於地。以從先君。幸矣。復何言哉。帝既滅梁。使人迎太后歸洛。居長壽宮。而太妃獨留晉陽。同光三年五月。太妃薨。七月。太后薨。謚曰貞簡。葬坤陵。而太妃無謚。葬魏縣。太妃與太后甚相愛。其送太后于洛也。涕泣而別。太妃既卒。太后悲哀不飲食。月餘亦崩。

愍帝即位。冊尊明宗后曹氏為皇太后。淑妃王氏為皇太妃。而敬瑭兵犯京師。廢帝與太后俱自燔死。晉高祖立。遷太妃于至德宮。高祖后事妃如母。乃封其

所養子許王從益為郇國公。以奉唐祀。契丹犯京師。召從益與妃德光北歸。留蕭翰守汴州。漢高祖起太原。翰欲北去。乃使人召從益迫以來。令權知南朝事。漢高祖擁兵而南。妃及從益遣人迎之。既而俱遇害。晉出帝即位。尊高祖后李氏為皇太后。契丹入汴。北遷。歿于虜地。建州。安太妃出帝母。即位。冊為太妃。北遷。歿于虜地。

漢愍帝即位。尊高祖后李氏為皇太后。周太祖入京。師舉事。皆稱太后誥。已而議立湘陰公贇為天子。未至。請太后臨朝。已入。太祖出征。軍士擁之以還。太祖

請事太后如母。於是遷后於太平宮。上尊號曰昭聖皇太后。顯德元年春崩。

周太祖皇后柴氏無子。養后兄守禮之子以為子。是為世宗。守禮字克讓。以后族。拜銀青光祿大夫。檢校吏部尚書。兼御史大夫。世宗即位。加金紫光祿大夫。檢校司空。光祿卿致仕。居于洛陽。終世宗之世。未嘗至京師。而左右亦莫敢言。第以元舅禮之。守禮頗恣橫。嘗殺人于市。有司以聞。世宗不問。時王溥。王晏。王彥超。韓令仲等。同時將相。皆有父在洛陽。與守禮朝夕往來。惟意所為。洛陽人多畏避之。號十阿父。守禮

卒年七十二。官至太傅。

歐陽公史論曰。父子之恩至矣。孟子言舜為天子。瞽瞍殺人。則棄天下。竊負之而逃。以謂天下可無舜。不可無至公。舜可棄天下。不可刑其父。此為世立言之說也。然事固有不得如其意者多矣。蓋天子有宗廟社稷之重。百官之衛。朝廷之嚴。其不幸有不得竊而逃。則如之何而可。予讀周史。見守禮殺人。世宗寢而不問。蓋天下重矣。而子於其父亦至矣。故寧受屈法之過。以申父子之道。其所以合於義者。蓋知權也。君子之於事。擇其輕重而處之耳。失刑輕。不孝重也。刑者所以禁人為非。孝者所以教人為善。其意一也。孰為重。刑一人。未必能使下無殺人。而殺其父。滅天性而絕人道。孰為重。權其所謂輕重者。則天下雖不能棄。而父亦不可刑也。然則為舜與世宗者。宜如何。無使瞽瞍守禮。至於殺人。則可謂孝矣。

周恭帝即位。尊世宗皇后符氏為皇太后。宋太祖既受禪。遷居西宮。號周太后。太平興國初。入道為尼。淳化四年。殂。

宋昭憲皇太后杜氏定州安喜人。太祖之母。帝受禪。尊為皇太后。建隆二年六月崩。

真宗即位。尊太宗明德李后為皇太后。居西宮嘉慶殿。景德元年崩。

仁宗即位。尊真宗莊獻明肅皇后為皇太后。軍國大事。權取處分。宰相丁謂等請太后所御殿。太后曰。皇帝視事。當朝夕在側。何須別御一殿。於是謂太后與帝五日一御承明殿。帝位在太后位右。垂簾決事。議已定。太后忽出手書。第欲禁中閱章疏。遇大事。即召對輔臣。其謀出於丁謂。非太后意也。謂既貶。馮拯等

三上奏請如初議。始御承明殿。有司請制令稱吾。以生日為長寧節。出入御大安輦。鳴鞭侍衛如乘輿。天下皆避太后父諱。群臣上尊號曰。應元崇德仁壽慈聖太后。元日。帝率百官上壽謁太廟。乘王輅服袞衣。明道二年崩。

天聖二年七月。宰臣王欽若等拜表請上皇太后尊號曰。應元崇德仁壽慈聖皇太后。命宰臣王曾撰冊文。叅知政事魯宗道書冊寶。十一月郊祀禮畢。帝御大安殿受冊。百僚稱賀畢。甫序班。侍中奏外辦禮儀。使奏請發皇太后尊號冊寶。皇帝服承天冠絳紗袍。

以出。殿中監進珪。禮儀使與閤門使前導。皇帝隨冊寶降西階。內臣主當職掌捧正殿庭。置於東向褥位。禮儀使奏請皇帝再拜。在位官皆再拜。應行事公卿執事者不拜再拜訖。太尉司徒就受冊寶位。皇帝搢圭。跪捧冊授太尉。太尉搢笏。東向側身跪受。冊文曰。嗣皇帝臣御名謹再拜稽首言恭。以為天下之母者。愛育之功博。居域中之大者。覆載之道均。乃有飾盛禮以推崇。因強名而不顯。以恩則尊親偕極。以義則中外一辭。表德垂鴻。非可以缺。况乎寧保基緒。撫覽權綱。格萬宇之治平。副輿情之輸戴。式隆稱號。以播休鑠。伏惟

皇太后陛下。聰明淑哲。淵穆懿恭。襲御龍之遐源。啓曾沙之瑞命。輔佐先聖。輯睦藩房。申翊宮朝。協敷闡教。服圖史之至戒。慕黃老之微言。及正宮承天。居尊治內。勤儉之化。式於中闈。和平之風。被于四表。王基允固。睿問載融。曩者號弓在辰。仍几有命。粵以大寶付于菲躬。玃玃哀荒。懼罔攸濟。寔賴慈蔭。以授洪圖。上奉顧託之明。俯慰遐邇之望。詳錄機務。咨謀政經。憲祖宗之舊章。厲官師之凝績。本乎子物之惠。濟乃守成之業。方今蠻夷款服。封宇靖安。百度聿修。六氣時若。肇裡肆類。克展上儀。享是休嘉。率由保翼。故得

公卿庶尹。藩嶽守臣。武旅戎酋。緇黃耆艾。咸謂周有
思齊之什。播于聲歌。漢有長樂之謠。垂于竹帛。斟酌
前訓。擬議盛猷。允非鴻名。莫揚茂烈。綿代曠典。自我
而著。猶且推美而弗有。約已以至謙。連袂叩闈。露童
五請。臣等以因人之欲。拜跪於內。甫迴冲慮。乃徇公
言。夫含章履順之謂應元。詔訓逮下之謂崇德。體仁
所以膺壽臧之福。宣慈所以隆聖善之懿。不勝大願
謹與百僚士庶。奉玉冊琮寶。上尊號曰。應元崇德仁
壽慈聖皇太后。伏惟懋協歡心。誕膺洪冊。承七廟之
流祥。受九旻之敷錫。擁佑家邦。祉祚無極。臣

仁宗誠
御名

權誠抃稽首頓首謹言。又捧寶授司徒如授冊儀。皇
帝歸御幄。改常服乘輿。赴文德殿後幄。百官班退。並
赴朝堂幕次。太尉司徒奉冊寶至文德殿門外幄。奉
安。文武羣官宗室客使。並集於文德殿中書門下翰
林學士兩省御史臺。並立於殿階下香案前。侍中奏
中嚴外辨。皇太后服儀天冠袞衣以出。奏隆安之樂。
行障步障方團扇。侍衛垂簾。即御座南向樂止。太常
卿前導冊案。前至殿西階下。太常卿以下各歸位。典
儀曰。再拜。在位者皆再拜。分班東西序立。吏部侍郎
押冊案。禮部侍郎押冊弁。進至褥位當御座前。訖。太

尉跪奉冊案稍前。中書令讀冊訖。奉冊亟北向進主於御座前。訖。中書令舉冊官俱降還位。太尉降階納馬帶劍。訖。侍中押寶案。司徒捧寶。侍中讀寶。並如讀冊之儀。畢。置於御座前。冊之南。訖。司徒太尉詣香案前。分班東西序立。尚宮詣皇帝御座前。奏請皇帝詣皇太后御座前。行稱賀之禮。皇帝服鞞袍。簾內詣皇太后御座前。奏請再拜。訖。跪賀曰。嗣皇帝臣仁宗言。皇太后陛下。顯崇徽號。昭渙寰瀛。伏惟與天同壽。率土不勝欣抃。俛伏興。又再拜。尚宮詣御座承旨。答曰。皇帝孝思至誠。貫于天地。受茲徽號。感慰良深。宣答

訖。皇帝再拜。歸御座幄。太尉率文武百僚。詣皇太后御座前。稱賀。侍中承旨宣答。訖。在位官俱再拜。禮畢。奏隆安之樂。皇太后降座還幄次。樂止。侍中奏解嚴所司放仗。文武百僚並再拜。訖。退。皇帝皇太后還內。應外命婦稱賀。皇太后皇帝於內殿。在外命婦及兩京留司官。並奉表稱賀。

石林葉氏曰。母后加謚。自東漢始。本朝后謚。初止二字。明道中以章獻明肅嘗臨朝。特加四字。元豐中。慶壽太皇太后上仙。章子厚為謚。議請于朝。詔以太皇太后功德盛大四字。猶懼未盡。始

仍故事。遂謚慈聖光獻。自是宣仁聖烈與欽聖
憲肅皆四字云。

章獻太后崩。遺詔以皇太妃楊氏為皇太后。居宮中
叅斷軍國事。御史中丞蔡齊白執政。以為不可。乃詔
勿頒預政遺誥。第存后號。即所居殿號曰保慶太后。
景祐三年崩。

英宗即位。尊仁宗慈聖光獻皇后為皇太后。帝感疾。
請權同處分軍國事。御內東門小殿聽政。帝康復。乃
徹簾。勅有司崇峻典禮。下令稱聖旨。神宗立。尊為太
皇太后。名宮曰慶壽。元豐二年崩。

神宗立。尊英宗宣仁聖烈皇后為皇太后。居寶慈宮。
哲宗嗣位。尊為太皇太后。同御延和殿。詔書稱吾以
生日為坤成節。令天下避后父諱。元祐八年崩。

元豐八年三月。哲宗即位。太皇太后權同聽政。三省
樞密院按儀注。未釋服已前。遇隻日。皇帝御迎陽門
日參官。並赴起居。依例奏事。每五日遇隻日於迎陽
門垂簾。皇帝坐於簾內之北。宰臣執政官升殿奏事。
權屏去左右侍衛。事有幾速。許非時請對。及賜宣召。
亦許升殿。禮部御史臺閣門奏討論御殿。及垂簾儀
制。每朔望六參。皇帝御前殿。百官起居。三省樞密院

奏事。應見謝辭班退。各令詣內東門進榜子。皇帝雙
日御延和殿垂簾。日參官起居。太皇太后移班少西
起居。皇帝並再拜。三省樞密院奏事。三日巳上四拜。
不舞蹈。候祔廟畢。起居如常儀。簾前通事以內侍殿
下以閣門吏部磨勘奏舉人垂簾。日引應見辭謝。臣
僚遇朔望。參日不坐。並先詣殿門次內東門。應擡賜
者並門賜。從之。是月帝御迎陽門惺殿。同太皇太后
垂簾。宰臣親王以下合班起居。常例分班十六。至是
合班。以閣門奏請故也。四月。三省樞密院言續討論
垂簾故事儀注。應合告謝。臣僚並垂簾。日引依閣門
見行儀制。從之。八月。御史中丞黃履言朔望皇帝御
前殿。合赴起居官次日。赴延和殿垂簾起居。從之。元
祐元年。閏二月。右諫議大夫孫覺。右諫議蘇轍進對。
有旨俟簾下。內臣盡出。方得敷奏。

哲宗立。尊神宗欽聖憲肅皇后為皇太后。哲宗崩。決
策迎立徽宗。帝請權同處分軍國事。辭。帝固請。乃從。
令外間不避家諱。不立誕節名。不通使遼國。輔臣不
於小殿奏事。纔六月。即還政。明年崩。
元符三年。正月。徽宗即位。皇太后權同聽政。三省樞
密院聚議故事。嘉祐末。英宗請慈聖同聽政。五月。同

御內東門小殿垂簾。至七月十三日。英宗間日御前
後殿。輔臣奏事退。詣內東門簾前覆奏。明年。手書還
政。又故事。唯慈聖不立生辰節名。不遣使契丹。若天
聖元豐。則御殿垂簾。立誕節名。遣使與北虜往還。及
避家諱等。曾布曰。今上長君。豈可垂簾聽政。請如嘉
祐故事施行。蔡卞曰。天聖元豐與今日。皆遺制處分。
與嘉祐末英宗請聽政不同。布曰。今日之事。雖載於
遺制。實出自德音。又皆長君。正與嘉祐事相似。既奏
得旨。並依嘉祐治平故事施行。布又謂同列曰。奏事
先奏太后。次覆奏皇帝。如今日所得指揮。遂為定式。
皇太后手詔付中書省曰。皇帝踐祚之初。勉從勤請。
非久。便當退歸房闈。除不御前後殿。已指揮外。如避
家諱等。並勿行。

哲宗立。尊生母朱德妃為皇太妃。時宣宗欽聖二太
后。皆居尊。故稱號未得極。其至元祐三年。宣仁詔母
以子貴。輿蓋仗衛冠服。悉侔皇后。紹聖中。欽聖復即
閣建殿。改乘車為輿。上設行龍。出入由宣德門。百官
上牋稱殿下。名所居為聖瑞宮。崇寧初崩。追尊為皇
后。

靖康二年。二帝北狩。金人僭立張邦昌。邦昌迎哲宗

元祐皇后人禁中。垂簾聽政。后遣使迎康王。降手書播告天下。王即位于南京。后撤簾。上尊后為元祐太后。奉迎至行在所。以元字犯后祖諱。改稱隆祐太后。從上幸維揚。幸杭州。苗傅劉正彥作亂。請后聽政。上復辟。撤簾。建炎三年。避狄如虔州。紹興元年崩。徽宗既立。尊哲宗元符皇后為皇太后。殿為崇恩宮。政和三年。暴崩。

徽宗宣和七年。十二月。上內禪。以道君君號。退居龍德宮。皇太子即皇帝位。尊道君為太上皇帝。靖康元年。上皇如南京避狄。到鎮江。三月。虜退。命李綱迎上皇。

于南京。十一月。京城失守。二年。二月。上皇北狩。紹興五年。崩于五國城。

欽宗既受禪。尊徽宗顯肅皇后為太上皇后。遷居寧德宮。稱寧德太后。京城失守。從上皇北遷。留虜中五年崩。

高宗既即位。遙尊母韋賢妃為宣和皇后。紹興十年。遙上皇太后冊寶於慈寧殿。自後每遇誕日至朔。皆遙行賀禮。十二年。八月。自虜中歸。至臨安。入居慈寧宮。二十九年崩。

紹興三十二年。六月。上內禪。稱太上皇。退處德壽宮。

八月。加上尊號為光堯壽聖太上皇帝。乾道七年。再
加上尊號為光堯壽聖憲天體道太上皇帝。淳熙二
年。再加上尊號為光堯壽聖憲天體道性仁誠德。經
武緯文。太上皇帝。是年以聖壽七十。行慶壽禮。十二
年。再加紹業興統。明謨盛烈八字。十三年。以聖壽八
十。行慶壽禮。赦天下。十四年。冬。十月崩。

三十二年。六月十一日。內禪。十二日。上詣德壽宮。欲
以是日率百官朝太上皇於德壽殿。以雨。百僚免入
見。上就宮中行禮。自後上詣宮行禮。即不集百官陪。
十三日。詔令宰臣率百官。於初二日。十六日。詣德壽

宮起居。又詔朕欲每日一朝德壽宮。面奉慈旨。恐廢
萬機。煩群下。不許如前代朔望之禮。太簡。令禮官重
定其期。禮部請依漢高帝五日一朝太公故事。每五
日一詣德壽宮朝見。如宮中禮。從之。乃詔自今後詣
德壽宮。惟經過官司起居。餘並免。十七日。太上宣諭
車駕每至宮。必於門外降輦。既行家人之禮。自宜至
殿上降輦。又不須五日一朝。只朝朔望。於是。有司請
除朔望朝外。於每月初八日。二十二日。詣德壽宮起
居。如宮中儀。從之。自後皆遵此制。如值雨。及盛暑。祁
寒。臨期。承太上特旨。仍免詣。十二月。冬至。上詣德壽

宮稱賀上壽禮畢。入見太后。如宮中之儀。自後正乾至並同

道元年。二月朔。上詣德壽宮。請太上太后至延祥觀

燒香。次幸聚景園。次幸玉津園。太上聖旨。日晚免車

駕從還德壽宮。臣僚止從駕還內。沿路並免起居。除管

軍官從駕外執政官以下並免以後或恭請幸南內。或幸聚景園。玉

津園。延祥觀。靈隱。天竺寺。其儀並同。

皇帝朝德壽宮儀註

前期儀。鸞司設大次於德壽宮門內。小次於殿東廊

西向。其日俟皇帝出。即御座從駕。臣僚禁衛等起居

如常儀。皇帝降御座乘輦。將至德壽宮報文武百僚

詣宮門外迎。駕起居訖。前導官太常卿閣門官太常

博士禮直官先入詣大次前。分左右立定。俟皇帝詣

德壽宮大次。降輦入次。御史臺閣門太常寺報文武

百僚入詣殿庭北向立定。前導官導皇帝入小次。簾

降。俟太上皇帝即御座小次。簾捲。前導官導皇帝升

殿東階。詣殿上。折檻前奏請拜。皇帝再拜訖。前導官

導皇帝稍前。躬奏聖躬萬福訖。導皇帝復位。又奏請

拜。皇帝再拜訖。導皇帝詣太上皇帝御座之東西向

立。前導官於殿上隨地之宜少立。揖班首以下躬。典

儀曰。拜贊者承傳曰。拜。在位官皆再拜訖。直身搢笏。

躬身三舞蹈跪左膝。三叩頭出笏。就一拜。又兩拜拜訖。且躬身。班首不離位。奏聖躬萬福訖。典儀曰。拜贊者承傳曰。拜。在位官皆再拜。又兩拜拜訖。直身立。捲班出。前導官以次退。從駕官歸幕次。以俟從駕還內。太上皇帝駕興。皇帝從入見太上帝后。如宮中之儀訖。以俟皇帝還內。如來儀。每遇正旦冬至及朔望並依上儀。

淳熙二年十一月。詔太上皇帝聖壽無疆。新歲七十。用十一月冬至。加上尊號冊寶。十二月十七日立春。行慶壽禮。是日早。文武百僚並簪花赴文德殿立班。聽宣慶壽赦。

赦文。太極之功。不宰其可。贊者兩儀之生。大明之照。無疆所能推者。千載之至。欽惟聖父。誕保我家。二百餘載。而中天定神器於歌側。艱虞之始。三十六年。而宅位授朕師於康強。暇豫之時。上穹綿有永之年。下土洽無為之化。興言菲質。日侍慈顏。竭幅員之富。而未足伸至養之誠。極尊美之稱。而未足表難名之德。茲載新於歲律。庸展慶於耆齡。前殿奉卮。企高皇而踵武。大安進膳。邁貞觀之彌文。鏘金奏以充庭。儼臣工而在列。和氣遄周於宇宙。盛容創見於古今。仍內奉於母儀。庸備彈於子道。

為酒以介眉壽。誕膺純嘏之常。立春而下寬書。更廣庶民之富。可大赦天下。於戲。建無窮之基。則享無窮之樂。命方僕於萬年。有非常之事。則侈非常之休。恩蓋推於四海。矧群黎百姓。夙依於覆育。而耆老大夫。咸自於甄陶。今而仁壽之同躋。必也安榮之共保。諒爾有邦之衆。知予錫類之心。赦書日行五百里。敢以赦前事言者。以其罪罪之。主者施行。

宣赦訖。從駕官並赴後殿起居謝花再拜。從駕至德壽宮。行慶壽禮。

陳設

前期儀鸞司陳設德壽宮殿上當中南向。設大次於德壽宮內南向。小次於殿東廊西向。設皇帝褥位二。一於御座之東西向。一於御座之南北向。尚醞設御酒器於御座之東。有司又設御茶床於御座之西。俱稍北。

上壽

其日後殿入內官喝排立。俟催班立定。

應從駕應奉官禁衛等並

簪花不係從駕官徑赴德壽閣門報班齊。皇帝服鞞袍出宮門。禁衛諸班親從等。並迎駕自贊。常起居自

宮並簪花以俟迎駕起居

閣門報班齊。皇帝服鞞

贊謝花兩拜。入內省執骨朵使臣迎皇帝坐。知閣門。

以下御帶環衛官。諸司祇應官等一班。闕班宣名常

起居。次贊謝花兩拜訖。知閣門官升殿讀奏目。餘官並退

次舍人引應從駕官一班。赴當殿宣名常起居。次贊

謝花兩拜。執政有奏事如儀皇太子次管軍一班。宣

名常起居。次贊謝花兩拜訖。皇帝升輦。將至德壽宮。

文武百僚迎駕常起居。贊謝花兩拜訖。前導太常卿

閣門官。太常博士。禮直官并管軍御帶環衛官等。詣

大次前。分左右立。文武百僚入詣德壽殿下。東西相

向立。俟皇帝至大次。降輦入次。簾降簪花。服鞞袍。閣

門御史臺太常寺。分引皇太子以下應從駕官。入詣

德壽殿下。東西相向立。大次簾捲。前導官前導皇帝

入小次。簾降。前導太常卿閣門官太常博士禮直官并管軍御帶環衛官等俟太上皇帝出

宮迎太上皇帝四拜起居太上皇帝出宮。行門禁衛諸班親從等。

迎太上皇帝。自贊常起居。太上皇帝升御座。鳴鞭。小

次簾捲。前導官前導皇帝升殿。東階詣殿上。折檻前

北向褥位。奏請拜。皇帝再拜訖。躬奏聖躬萬福訖。又

奏請拜。皇帝再拜訖。前導皇帝詣太上皇帝御座之

東褥位。西向立。前導官於殿上。隨地之宜立。閣門御

立。舍人揖。皇太子以下躬。典儀曰。拜。贊者承傳。在位官皆再拜。搢笏舞蹈。又再拜訖。且躬身。班首不離位。奏聖躬萬福訖。典儀曰。拜。贊者承傳。在位官皆再拜。訖。直身立。分東西相向立。禮直官引奉盤盞。參知政事受盤盞。參知政事承旨宣答。簽書樞密院事奏禮畢。戶部尚書殿中監少監升殿東階。奉盤盞。參知政事受盤盞。參知政事殿中監少監詣酒稍北南向立。承旨宣答。簽書樞密院事并奏禮畢。戶部尚書詣折檻之東西向立。舍人通樂人姓名已下四拜起居。次看盞人稍前。贊拜兩拜。贊上殿。祇候內侍進御茶床。殿侍酌酒訖。尚醞典御以盤盞酒注授殿中監少監。次禮直官引奉

盤盞。參知政事詣酒樽所。北向搢笏。殿中監奉盤盞。參知政事捧盤盞西向立。殿中監啓盞。殿中少監以酒注于盞。奉盤盞。參知政事奉酒詣皇帝前北向。禮直

官引受盤盞。參知政事詣太閣門御史臺太常寺分

上皇帝御座前西向立定。引皇太子并文武百僚橫行北向立。俟奉盤盞。參知

政事躬進皇帝。皇帝奉酒詣太上皇帝御座前躬進。訖。少後受盤盞。參知政事躬接訖。復授奉盤盞。參知

政事。前導官導皇帝詣御座前。褥位北向。俛伏跪。殿

下皇太子并百僚並躬身。皇帝致詞曰。皇帝臣御稽

首言。天祐君親。錫茲難老。維春之吉。年德加新。臣御

建炎以來。朝野雜記。昭慈聖獻皇后之在建康也。有司月奉千緡而止。后生辰。別奉緡錢萬。時朝廷用度不給。故其禮不及承平時。其後顯仁后自北來歸。歲奉錢二十萬緡。月奉萬緡。冬。年。寒。食。生。辰。倍。之。帛二萬餘匹。生。辰。絹。萬。匹。春。冬。端。午。各。三。千。匹。綾。羅。二。千。匹。冬綿五千兩。酒日一斗。羊三牽。高宗在德壽宮。孝宗命有司月供十萬緡。高宗以養兵多費。詔減其六萬。及孝宗在重華。命月進三萬緡而已。上受禪。詔太皇太后月奉緡錢二萬。皇太后萬五千。上皇太后五萬。而重華別給二萬焉。

右光堯之壽祉。壽皇之孝養。古今罕儷。故具載其事于此。

孝宗既受禪。尊憲聖皇后為皇太后。居德壽宮。上尊號曰壽聖太上皇后。每遇誕節。上詣宮上壽。至朔望朝上皇畢。入見后。如宮中之儀。乾道七年。加壽聖慈明尊號。淳熙二年。以上皇慶壽禮。又加號壽聖齊明廣慈。十年。后年七十。行慶壽禮。十三年。加尊號備德二字。上皇崩。遺詔改稱皇太后。上欲迎還大內。太后以上皇几筵在德壽宮。不許。因築本殿名慈福。光宗即位。后當為太皇太后。以壽皇故。更號曰壽聖皇太

后。紹熙四年。慶壽八十。加號隆慈。備福。孝宗崩。始稱太皇太后。光宗疾。不能行喪禮。宰臣請后於壽皇梓宮前垂簾。宣光宗手批立寧宗。慶元元年。加尊號光祐二字。二年。遷居重華宮。易名曰慈福。三年崩。

容齋洪氏隨筆曰。唐德宗即位。訪求其母沈太后。歷順宗及憲宗時。曾祖母。故稱爲曾太皇太后。蓋別於祖母也。舊新二唐書紀皆載之。今慈福太皇太后在壽康。太上時。已加尊稱。若於主上。則爲曾祖母。當用唐故事。加曾字。向者嘗已告宰相。而省吏以爲典故所無。天子逮事三世。

安得有前比。亦可謂不知禮矣。又嗣濮王士歆在隆興。爲從叔祖。在紹熙。爲曾叔祖。慶元。爲高叔祖矣。而仍稱皇叔祖如故。士歆視嗣秀王伯圭。爲從祖。今圭稱皇伯祖。而歆但爲皇叔祖。乃是弟爾。禮寺亦以爲國朝以來。無稱曾高者。彼蓋不知累朝尊屬元未之有也。

淳熙十六年。二月內。上禪皇太子即位。移御重華宮。上尊號曰至尊壽皇聖帝。至紹熙五年崩。

光宗既受禪。上成肅皇后尊號曰壽成皇后。孝宗崩。上皇太后尊號慶元。初加號惠慈。嘉泰二年。上太皇

太后尊號

紹熙五年。六月。壽皇崩。光宗以疾不能行喪禮。七月。憲聖太皇太后命皇子嘉王即皇帝位。尊光宗為太上皇。居泰安宮。殿為之內中寢慶元元年。上尊號曰聖安。壽仁六年崩。

寧宗既即位。尊慈懿皇后為皇太后。退居壽康宮。慈寧殿。上尊號曰壽仁。慶元六年崩。

文獻通考卷二百五十二

文獻通考卷二百五十三

鄱陽馬端臨貴與著

帝系考

后妃皇太子妃及後宮策后妃及策太

黃帝娶於西陵之女。

西陵國名也是為嫫祖。祖一作嫫嫫

曰一曰雷祖音力誰

嫫祖為黃帝正妃。索隱曰按黃

及正義曰一作儻嫫祖為黃帝正妃。索隱曰按黃

后妃四星皇甫謐云元妃西陵氏女曰累祖生昌意

次妃方雷氏女曰嫫祖嫫祖為黃帝正妃

蒼林一名蒼林又按漢書古今人表形魚氏生夷鼓嫫

母生蒼林不生二子其後皆有天下其一曰玄囂是

文獻通考卷二百五十二

太后尊號

紹熙五年六月。壽皇崩。光宗以疾不能行喪禮。七月。憲聖太皇太后命皇子嘉王即皇帝位。尊光宗為太上皇。居泰安宮。殿以內中寢殿為之慶元元年。上尊號曰聖安。壽仁六年崩。

寧宗既即位。尊慈懿皇后為皇太后。退居壽康宮。慈寧殿。上尊號曰壽仁。慶元六年崩。

文獻通考卷二百五十二

鄱陽馬端臨貴與著

文獻通考卷二百五十三

帝系考

后妃皇太子妃及後宮 策后妃及策太

黃帝娶於西陵之女。西陵國名也 是為嫫祖。祖力追反。索隱曰。按黃

曰一曰雷祖音力誰 嫫祖為黃帝正妃。索隱曰。按黃
及正義曰一作儻 嫫祖為黃帝正妃。索隱曰。按黃
后妃四星皇甫謐云元妃西陵氏女曰累祖生昌意
次妃方雷氏女曰嫫祖生青陽次妃彤魚氏生女夷
鼓一名蒼林次按漢書古今人表彤魚氏生夷鼓
蒼林是二人又按漢書古今人表彤魚氏生夷鼓
母生蒼林不生二子其後皆有天下其一曰玄囂是
得如謚所說 生二子其後皆有天下其一曰玄囂是
為青陽。太史公曰據大戴禮以青陽為少昊乃方雷氏

所生是其所見異也。索隱曰：玄囂帝嘗之。祖按：皇甫謐及宋衷皆云：玄囂青陽，即少昊也。今此紀下云：玄囂不得在帝位，則太史公意謂青陽非一人，皆黃帝子。並又云：玄囂是為青陽，當是誤也。謂二人，皆黃帝子。並列其名，所以前史因誤以玄囂青陽一人耳。宋衷又云：玄囂是為青陽，少昊繼黃帝立者，而史不叙蓋少昊。故叙五帝，非五運之也。青陽降居江水，其二曰：昌意。降居若水。江水若國，皆在蜀，即所封國也。江水。昌意娶蜀山氏女，曰：昌僕。生高陽。高陽有聖德焉。正義曰：華陽國志及十三州志云：蜀之先肇於人皇之際，黃帝與子昌意娶蜀山氏後子孫因封焉。帝顓頊高陽氏，黃帝之孫昌意之子，母曰：昌僕，亦謂之：女樞。河圖云：瑤光如蜺貫月，正白感女樞於幽房之宮，生顓頊，首戴干戈，有德文也。

帝嘗有四妃。卜其子皆有天下。元妃有台氏女，曰：姜

嫫。生后稷。次妃有娥氏女，曰：簡狄。生高。次妃陳豐氏

女，曰：慶都。生放勳。次妃姬訾氏女，曰：常義。生帝摯。帝

崩帝摯代立摯在位九年政微弱弟唐侯放勳德盛乃禪位焉

唐堯娶散宜氏之女，曰：女皇。生丹朱。又有庶子九人。

皆不肖。

虞舜娶堯之二女，長娥皇，次女英。舜升天子，娥皇為

后。女英為妃。娥皇無子。女英生商均。

夏禹娶塗山氏之女，生啓。

商湯妃有莘氏之女。

周太王娶有台氏之女，曰：太姜。

詩古公亶父來朝走馬率西水滸至于岐下爰及

姜女聿來胥宇

王季娶摯任氏之中女

太任王季之妃文王母也

正義曰國語之後摯疇二國任

詩摯仲氏任自彼殷商來嫁于周曰嬪于京乃及

王季維德之行大任有身生此文王

思齊大任文王之母思媚周姜京室之婦

姜太姜也京周地也常思莊敬太任也乃為文王

之婦言其德行純備故生聖子也

列女傳太姜大王娶之以為妃生太伯仲雍王季

太姜有色而貞順率導諸子至於成童靡有過失

太王謀事必於太姜遷徙必與太任王季娶之以

為妃太任之性端壹誠莊維德之行及其有身目

不視惡色耳不聽淫聲口不出傲言能以胎教子

而生文王此皆有賢行也

文王娶有莘氏之長女曰太姒

詩文王初載天作之合在洽之陽在渭之涘文王

嘉止大邦有子大邦有子倪天之妹

倪譬也知太姒之賢而尊

親迎于渭造舟為梁不顯其光

有女弟天之文定厥祥以禮定其吉祥語納幣也

造舟周制也。殷時未有此等制。有命自天。命此文王于周于京。績

女維莘。長子維行。地將命文王君天下於周京之

事於莘國莘國之長女太篤生武王。保佑命爾。燮

伐大商。和伐殷也。謂協太如嗣徽音。則百斯男。太子

衆妾則宜百子也。箋云徽美也。嗣惠于宗公。神罔

時怨。神罔時恫。宗公順也。神刑于寡妻。至于兄弟。以

御于家邦。刑法也。寡妻適妻也。

武王娶邑姜。服虔曰邑姜武王

論語。武王曰。予有亂臣十人。十人謂周公旦召公

太顛閎夭散宜生南宮适其一九人謂文母劉侍讀

內亂孔子曰。才難不其然乎。唐虞之際。於斯為盛。

有婦人焉。九人而已。

史記武王與叔虞母會時。夢天謂武王曰。余命女

生子名虞。余與之唐。及生子。文在其手。曰虞。故命

之曰虞。

曲禮。天子有后。有夫人。有世婦。有嬪。有妻。有妾。妻一八

御妻周禮謂之女御以其御序於王之燕妾賤者也。

疏夫扶也。扶持於王婦服也。言其進以服事君子也。

以其稱可賓敬也。加以世婦言齊也。言進御於王之嬪婦人之

齊同之義。妾之禮則接也。聞彼有禮。走而往焉。以得接

見於君子也。周禮則不次者。記者之言。或雜夏殷而

此所陳與周禮雜而不告而娶不立正妃但三夫人

言

夏則因而廣之增九女則天子娶十人所增九女者則九
 嬪也故鄭云春秋說云天子娶十人所增九女則九
 殷增三九二二七人總為八十九一人所謂二七世婦
 也周又三三二七人因為八十九一人則女御也○注
 周禮至賤者正義曰解周名為女御之義以其御於
 王之燕寢御女案周禮王有六寢一御之義正寢餘五在
 後通為燕寢御女案周禮王有六寢一御之義正寢餘五在
 居之通為燕寢御女案周禮王有六寢一御之義正寢餘五在
 中央之六月居之凡后妃以下更為次序而御於
 五寢之中也故鄭注周禮九嬪云凡御見之法月與
 后妃其象也早者宜先尊者宜後凡御見之法月與
 九夕世婦也早者宜先尊者宜後凡御見之法月與
 人當一夕當一夕當一夕當一夕當一夕當一夕當一夕當
 婦人當一夕當一夕當一夕當一夕當一夕當一夕當一夕當
 御於君所女史書其日月授以銀環進之著左手既御
 長則以金環退之當御者以銀環進之著左手既御
 著於右手事法無
 小大記以成法
 昏義古者后立六宮三夫人九嬪二十七世婦八十

一御妻以聽天下之內法以明章婦順故天下內和
 而家理天子立六宮三公九卿二十七大夫八十一
 元士以聽天下之外治以明章天下之男教故外和
 而國治故曰天子聽男教后聽女順天子理陽道后
 治陰德天子聽外治后聽內治教順成俗外內和順
 國家理治此之謂盛德天子六寢而六宮在後六官
 在前所以成副施內外之政
 也三夫人以下百二十人周制也三公以下百二十
 人似夏制也合而言之取其相應有象大數也內治
 婦學之法也陰德謂主陰事陰令也○正義曰案官
 人云掌王之六寢之修注路寢一小寢五是大子六
 寢也云六宮在後者后之六宮在王之六寢之後亦
 大寢一小寢五其九嬪以下亦分居之其三夫人雖
 不分居六官亦分主六卿之類也云內法婦學之法也者
 猶如三公分主六卿之類也云內法婦學之法也者

按九嬪職云掌婦學之法故知內治是婦學也云陰德謂主陰事陰令也者按內宰掌王之陰事陰令注云陰事謂群妃御見之事陰令為王所求為於北宮也

周官內宰以陰禮教六宮鄭司農云陰禮婦人之禮六宮後五前一王之妃百

二十一人后一人言謂六宮三人謂后也婦人稱寢曰宮官隱御八十一人言謂六宮而居之亦王寢一燕寢五教蔽之言后象王立六官而若今稱皇后為中官矣者不敢片言之謂之六官若今稱皇后為中官矣

以陰禮教六嬪教之以婦人禮不言教以婦職之

法教九御使各有屬以作二事正其服禁其奇衰展

其功緒婦職謂織紝組紃縫線之事九御女御也九御又同事也故書二為三杜于春云當為二二事謂絲

屬也也緒業也故書二為三杜于春云當為二二事謂絲大祭祀后裸獻則贊瑤爵亦如之謂祭宗廟王

壯后乃從後裸也祭統曰君執圭瓚裸尸太宗執璋瓚亞裸此大宗亞裸謂夫不與而攝耳獻謂王薦

腥薦熟尸后亞獻也其爵以瑤為飾正后之服位而

詔其禮樂之儀謂薦徹房中之禮當與樂相應位贊九嬪之

禮事助九嬪贊后之事九嬪者贊后凡賓客之裸獻

瑤爵皆贊謂王同姓及二王之禮賓獻謂王享燕亞王獻

賓也瑤爵所以亞王酬賓也坊記曰陽侯致后之賓

客之禮謂諸侯來朝覲凡喪事佐后使治外內命婦

正其服位使使其屬之上士內命婦謂九嬪世婦女

夫后命其婦玄謂凡建國佐后立市設其次置其叙

正其肆陳其貨賄出其度量淳制祭之以陰禮市朝

文獻通考卷三百五十三

所以建國也。建國者必面朝後市。王立朝而後立市。陰陽相承之義。次司農也。叙介次也。陳猶處也。度丈尺也。量豆區之屬。鄭司農云。佐后立市者。始立市后立之也。祭之以陰禮者。市中之社。先后所立社也。故書淳為敦。杜子春讀敦為純。純謂幅廣也。制謂四卿與。玄謂純制。天子巡狩禮所云。制幣丈八尺。純四卿與。陰禮。婦人之祭。祀與音餘。諸中春。詔后帥內外命婦。始。蚕于北郊。以為祭服。必有公桑。蚕室。馬。純陰為尊。郊。歲終。則會內人之稍食。稽其功事。為九御。主佐后而受。獻功者。比其小大。與其麀麀良。而賞罰之。獻功者。九御。云。丞而獻功。玄謂典會內宮之財用。計夫入財。正歲。均其稍食。施行功事。憲禁令于王之北宮。而糾其守。均猶調度也。施猶賦也。北宮。後之六宮。謂之北宮。上者繫於王言之明。用王之禁令。令之守宿衛者。北宮上。

春。詔王后帥六宮之人。而生種。種之種。而獻之于王。六宮之人。夫人以下。分居后之六宮者。古者使后宮藏種。以其有傳類。蕃孳之祥。必生而獻之。示能育之。使不傷敗。且以佐王耕事。共禘郊也。鄭司農云。先種後熟。曰種。後種。先熟。曰稔。王當以耕種于藉田。玄謂。詩云。黍稷種。是也。夫人以下。分居后之六宮者。每宮九嬪。一人。世婦三人。人。女御九人。其餘九嬪。三人。世婦九人。女御二十。七人。從后。唯其所。燕息。馬。從后者。五日。而沐浴。其次。又上。十五日。而徧云。夫。人。如三公。從容論。婦禮。

內宰下大夫二人。上士四人。中士八人。府四人。史

八人。胥八人。徒八十人。內宰官中官之長。○數內宰對太宰治百官內宰治

婦人之事。故名內宰大宰不稱外者。謂兼統內

九嬪掌婦學之法。以教九御。婦德。婦言。婦容。婦功。各

帥其屬而以時御叙于王所。婦德謂貞順婦言謂辭

泉自九嬪以下九九而御於王所九嬪者既習於四

使亦九九相與從於王所息之燕寢御猶進也勸凡

也進勸王息亦相次叙。群妃御見法見細禮注凡

祭祀贊玉盥贊后薦徹豆籩。進玉盥王敷受黍稷器后

王也杜子若有賓客則從后。當贊大喪率叙哭者亦

春讀為玉如之。哭亦從治帥猶道也后世婦掌祭祀賓客喪紀之

事。帥女官而濯擬為齊盛。擬拭也為猶差擇。疏祭

之皆不使世婦此為非及祭之日。涖陳女官之具。凡

春非炊是差擇曉然矣內羞之物。房中之羞也。掌弔臨于卿大夫之喪。王使之

謂在上。姒嫉自專之事女御官早不敢也女御掌御叙于王之燕寢。言掌御叙防上之專如后

官息。疏掌御叙不使九嬪世婦掌之者以歲時獻功事。功。絲。象。成。凡祭祀贊世婦。助其帥大喪

掌沐浴。王及后后之喪持翼。翼棺飾也持從世婦而

弔於卿大夫之喪。從之數蓋如鄭氏曰。不列夫人于此官者。夫人之於后。猶三公

之於王。坐而論婦禮。無官職。世婦不言數者。君子

不苟於色。有婦德者充之。無則闕。女御昏義所謂

御妻。御猶進也。侍也。天子聘女納徵。加穀珪。鄭玄云。納徵加於東帛。賈公

穀。天子加以天子聘女納徵。加穀珪。彥曰。士以上皆同。玄纁束帛

魯相公八年。祭公來。遂逆王后于紀。

公羊傳。祭公者何。天子之三公也。何以不稱使。家

周公稱使。婚禮不稱主人。時王者有母也。遂者何。生事也。生猶

專事之辭。大夫無遂事。此其言遂何。後待君命。然成使

乎我也。使以上來無事。知成。其成使乎我。奈何使我

為媒可。則因用是往逆矣。婚禮成於五先。納采問

親迎。時王者遣祭公來使魯為媒。可則因用魯往

迎之。不復成禮。疾王者不重。妃匹逆天下之母。若

逆婢妾將謂海內何。執故。識女在其國稱女。此其

九年春。紀季姜歸于京師。

公羊傳。其辭成矣。則其稱紀季姜何。自我言紀。父

母之於子。雖為天王后。猶曰。吾季姜。明子尊不

襄公十五年。劉夏逆王后于齊。劉采地夏名也。天子

書名天子無外所命。則成故不言逆女。

左氏傳。十二年。靈王求后于齊。齊侯問對於晏相

子。相子對曰。先王之禮辭有之。天子求后於諸侯。

諸侯對曰。夫婦所生若而人。不敢譽亦不敢妾婦

之子若而人。言非適也。無女而有姊妹及姑姊妹。則曰。

先守某公之遺女若而人。齊侯許昏。王使陰里結

之。陰里周大夫。結成也。十五年。官師從單靖公逆王后于齊。

卿不行。非禮也。夏官師劉夏也。天子官師非卿也。劉

子不親昏使上卿逆而公監之故曰卿不行非禮也。

通典說曰。禮記昏義云。婚禮者。將合二姓之好。上以事宗廟。下以繼後代也。故君子重之。共牢而食。合盃而酌。所以合禮。同尊卑而親之。成男女之別。立夫婦之義。而後父子親。君臣正。故曰。婚禮者。禮之本也。公羊說。天子至庶人皆親迎。左氏說。王者至尊。無敵體之義。不親迎。鄭玄駁之曰。文王親迎于渭。則天子敵迎也。天子雖尊。然夫婦無判。禮同一體。所謂無敵。豈施於此。按

禮記哀公問曰。冕而親迎。不亦重乎。孔子對曰。合二姓之好。以繼先聖之後。以為天地宗廟社稷之主。君何謂已重乎。此言繼先聖之後。以為天地之主。非天子則誰乎。是鄭以天子當親迎也。杜元凱以為天子不親迎。按春秋祭公逆王后于紀。傳曰。禮也。劉夏逆王后。譏卿不行。皆不譏。王不親行。明是天子不當親迎也。文王之迎太姒。身為公子。迎在殷代。未可據此。以為天子之禮。孔子之對哀公。自論魯國之法。魯以周公之後。得郊祀上帝。故以先聖天地為言耳。非說

天子之禮

漢興因秦之稱號。帝母稱皇太后。祖母稱太皇太后。

適稱皇后。師古曰：適，讀曰嫡。后亦君也。天子之妃以后為稱，取象二儀。

妾皆稱夫人。又有美人、良人、八子、七子、長使、少使之

號焉。師古曰：良，善也。八，七祿秩之。至武帝制婕妤、好、媵。

娥、倅、充、依，各有爵位。師古曰：媵，言接幸於上也。倅，猶言奕奕也。便習之意也。充，依言充後庭而依秩序。

也。倅音接，好音予，字或從女，其音同耳。媵音五，經反。

而元帝加昭儀之號。師古曰：昭，顯其儀亦隆重也。凡十四等

云。師古曰：除皇后自昭儀以下至秩百石十四等。昭儀位視丞相，爵比諸侯

王。婕妤視上卿，比列侯。媵娥視中二千石，比關內侯。

師古曰：中二千石，實得二千石也。中之言滿也。月得

百八十斛，是為一歲。凡得二千一百六十石，言二千

數者舉成。倅視真二千石。比太上造。師古曰：真二千

斛，一歲凡得千八百石。美人視二千石。比少上造。師

耳，太上造第十六等。爵。美人視二千石。比少上造。師

曰：二千石，月得百二十斛。一歲凡得一八子視千石。

比中更。師古曰：中更，第十三等爵也。充依視千石。比左

更。師古曰：左更，第十等爵。七子視八百石。比右庶長。師古曰：古

一良人視八百石。比左庶長。師古曰：左庶長，第十等爵。長使視六

百石。比五大夫。師古曰：五大夫，第九等爵。少使視四百石。比公乘。

師古曰：公五官視三百石。亦象外之五官所掌。順常視

曰消絮也。無消言無所不絮也。共讀曰恭言恭順而和柔也。娛靈可娛樂情靈也。保安也。保林言其可安。衆如林也。良使使令之善也。夜者主職夜事令力成反。上家人子。中家人子。視有秩斗食云。師古曰家。人子者言采擇良家子以入宮。未有識號。但稱家人子也。斗食謂佐史也。謂之斗食者言一歲不滿百石。日食一斗二升。五官以下。葬司馬門外。服馬陵上。司馬門之外。

高祖呂皇后。名雉。單父人。高祖微時。后父呂公相而異之。妻以后。生惠帝。魯元公主。高祖為漢王。元年。封呂公為臨泗侯。高祖崩。孝惠立。尊后為皇太后。

應歷代后之推尊。為皇太后太妃者。自推尊以後。至崩葬事跡。並見太后門。此不具錄。後同。

戚姬。定陶人。愛幸生趙王如意。高祖崩。為呂后所殺。薄姬。吳人。初在魏王豹宮中。豹亡。輸織室。高祖幸之。生文帝。自有子。後希見。文帝封代王。從之。代帝既立。尊為皇太后。

孝惠張皇后。宣平侯敖之女。母魯元公主。呂太后欲為重親。故以魯元女配帝。為皇后。無子。惠帝崩。皇太后取後宮子立為帝。太后崩。大臣誅諸呂。及所名孝惠子張后。廢處北宮。北宮在未央之北。孝文後元年薨。葬安陵。不起墳。

惠帝納后。納采鴈。璧乘馬束帛。聘黃金二萬斤。馬

十二匹

呂氏為惠帝娶魯元公主女故特優其禮

先公曰。魯元壻其弟。而不知帝之為人主也。惠帝妻其甥。而不知妻之為主后也。太上者。民之父母。如此。豈可以奉神靈之統哉。蓋人倫顛倒。而君道陵夷甚矣。

孝文竇皇后。觀津人。呂太后時。以良家子選入宮。太后出宮人。賜諸王各五人。竇姬與。至代代王幸之。生女嫫。及景帝代王。王后卒。及入為帝。立啓為太子。竇姬為皇后。景帝立。尊為皇太后。

孝景薄皇后。孝文薄太后家女也。景帝為太子時。太后取為太子妃。景帝立之為皇后。無寵。立六年。薄太后崩。坐廢。廢後四年薨。葬長安城東。平望亭南。

孝景王皇后。槐里人。初嫁為金王孫婦。母臧氏奪之。金以納太子宫。景帝為太子。愛幸之。生三女。及武帝。景帝即位。廢薄皇后。及太子為臨江王。乃立王夫人為后。男為太子。封后父信為蓋侯。武帝即位。尊為皇太后。

孝武陳皇后。長公主嫫女。父陳午。武帝得立為太子。長主有力。乃取主女為妃。及帝即位。為皇后。十餘年無子。元光五年。坐巫蠱廢居長門宮。後十餘年薨。葬

霸陵即宮亭東

孝武衛皇后。字子夫。生微為平陽主謳者。帝悅之。納宮中。元朔元年。生男。據遂立皇后。據為太子。立二十八年。遭巫蠱事起。太子誅。江充發兵敗。收后璽綬。自殺。宣帝立。改葬。謚思后。

孝武李夫人。本以倡進。兄延年。納之宮中。得幸。生昌邑哀王。夫人早卒。上憐之。以后禮葬。及衛思后廢後四年。武帝崩。大將軍光緣上雅意。以李夫人配食。追上尊號曰孝武皇后。

孝武鈞弋趙婕妤。河間人。武帝巡狩過河間。望氣者言有竒女。乃使使召之。得幸為婕妤。居鈞弋宮。生昭帝。後從幸甘泉。以譴死。昭帝立。追尊為皇太后。

孝昭上官皇后。祖桀。父安。隴西上邽人。孝昭立。召入宮。為婕妤。月餘。立為皇后。年甫六歲。立十歲而昭帝崩。昌邑王即位。尊為皇太后。時年方十四歲

衛太子史良娣。宣帝祖母。太子有妃。有良娣。有孺子。妻妾凡三等。子皆稱皇孫。史良娣家魯國。元鼎四年。入為良娣。生男。號史皇孫。武帝末。巫蠱事起。衛太子及良娣。史皇孫皆遭害。宣帝即位。追尊為戾后。起園邑。史氏侯者四人。

史皇孫王夫人。宣帝母。名翁須。大始中。得幸於史皇孫。皇孫妻妾無號位。皆稱家人子。征和二年。生宣帝。帝生數月。衛太子皇孫敗。家人子皆坐誅。莫有收葬者。宣帝即位後。追尊為悼后。起園邑。王氏侯者二人。孝宣許皇后。父廣。漢昌邑人。宣帝養於掖庭。號皇曾孫。廣漢以女妻之。生元帝。數月。宣帝即位。立為皇后。廣漢封昌成君。明年。為淳于衍所毒崩。在位三年。謚恭哀皇后。葬杜南。是為杜陵南園。

孝宣霍皇后。大將軍光女。許后崩。光納之宮中。立為后。立五年。霍顯與子謀反。誅。坐廢處昭臺宮。後十二歲。徙雲林館。乃自殺。葬昆吾亭東。

孝宣王皇后。父奉光。長陵人。宣帝即位。入宮。為婕妤。帝憐太子蚤失母。幾為霍氏所害。乃選後宮素謹慎無子者。立王婕妤為后。令母養皇太子。立十六年。宣帝崩。元帝即位。為皇太后。

孝元王皇后。名政君。父禁。居長安。為廷尉。吏宣帝時。入掖庭。為家人子。歲餘。宣帝令送太子宮。見丙殿。壹幸有身。生成帝。為皇孫。元帝即位。以妃為婕妤。後三年。立為皇后。成帝立。為皇太后。

孝成許皇后。平恩侯嘉女。元帝悼母恭哀后。遭霍氏

之禍。故選佳女配皇太子。成帝即位。立為皇后。立十四年。寵衰。坐姊為媚道。祝詛廢處。昭臺宮。後九年。坐淳于長等與后姊嬖通。書有諄謾。賜藥自殺。葬延陵。交道廐西。

孝成班婕妤。帝初即位。選入後宮。始為少使。俄大幸。為婕妤。居增成舍。有男。後失之。鴻嘉三年。趙飛燕告許后及班婕妤挾媚道祝詛。后坐廢。婕妤入求共養。太后長信宮。至成帝崩。婕妤充奉園陵。因葬園中。孝成趙皇后。本長安宮人。師古曰。本宮人。以賜陽阿。主家也。宮人者。省中副使。官婢名曰宮人。非天子掖庭中。也。事見漢舊儀。言長安者。以別甘泉等諸宮者也。屬陽阿主。

家學歌舞。號曰飛燕。

以其體輕故也。

成帝見而悅之。召入宮。

大幸。有女弟。後召入。俱為婕妤。許后廢。乃立飛燕為皇后。而女弟為昭儀。姊弟專寵十餘年。無子。成帝暴崩。民間歸咎趙昭儀。皇太后詔問皇帝起居發病狀。昭儀自殺。哀帝立。尊趙皇后為皇太后。

孝元傅昭儀。哀帝祖母。父河內溫人。昭儀少為上官。太后才人。自元帝為太子。得進幸。帝即位。立為婕妤。甚有寵。生一男一女。男為定陶恭王。帝既重傅婕妤。及馮婕妤。亦幸。生中山孝王。上欲殊之。為後宮。以二人皆有子為王。上尚在。未得稱太后。乃更號曰昭儀。

賜以印綬。在捷仔上。昭其儀尊之也。至成哀時。趙昭儀董昭儀皆無子。猶稱焉。元帝崩。隨王歸國。稱定陶太后。恭王薨。子入為漢嗣。為哀帝。尊為恭皇太后。定陶丁姬。哀帝母。山陽瑕丘人。恭王時。姬為後宮。生哀帝。帝入嗣漢。即位。尊為帝太后。

孝哀傳皇后。定陶太后從弟子。哀帝為王時。傳太后欲重親。取以配王。王入為漢太子。傳氏為妃。即位立為皇后。哀帝崩。王奔奏徙桂宮。後月。復與孝成趙后俱廢為庶人。就其園自殺。

孝元馮昭儀。平帝祖母。元帝即位二年。以選入後宮。生男為中山孝王。元帝崩。隨王之國。哀帝立。傳太后以素怨。誣以罪自殺。

中山衛姬。平帝母。成帝時。中山孝王無子。上以衛氏子豪。少女配孝王。生平帝。孝王薨。代為王。哀帝崩。無子。太皇太后詔迎中山王立為帝。王薨。欲顛權。懲丁傳行事。乃令帝母御姬。及外家不得至京師。更立宗室桃鄉侯子成都為中山王。奉孝王後。賜衛姬璽綬。拜為中山孝王。后加湯沐邑。後以事誅。衛氏支屬唯后在。薨。篡位。廢為家人。歲餘卒。

孝平王皇后。安漢公王莽女。平帝即位。莽以女配帝。

以禮迎立為皇后。歲餘平帝崩。莽立孝宣玄孫嬰為孺子。尊后為皇太后。莽篡以嬰為定安公。改后為定安公太后。時年十八。自劉氏廢。每稱疾不朝。會莽敬悼哀傷。欲嫁之。更號為黃皇室主。若漢之稱公主后怒發疾不肯起。莽不能強。漢兵誅莽。后赴火而死。

王莽納女為后。以固權。遣宗正劉宏尚書令平晏納采。太師孔光。大司徒馬宮等四十九人。賜皮弁素積。皮弁鹿皮為冠也。素積以十五升布為衣。積素以為裳。以禮雜卜筮太

牢告宗廟。封后父百里尊而不臣。有司奏故事。聘皇后黃金二萬斤。為錢一萬萬。莽深辭讓。受四千

萬。而以其三千三百萬予十一媵家。有詔復益二

千三百萬。合為三千萬。莽復以其千萬分予九族貧者。遣甄豐奉璽綬拜帝母衛姬為中山孝王后。

四年春。遣大司徒宮等奉乘輿法駕迎皇后于安

漢公第。授皇后璽綬。顏師古。所以繫璽。紘登車稱警蹕。便

時。取日時之便上臨延壽門入未央宮前殿。群臣就位

行禮。大赦天下。益封安漢公地滿百里。賜迎皇后

及行禮者。三公以下宰執皆增秩。賜金帛各有差。

皇后立三月。以禮見高廟。尊父號曰宰衡。位在諸

侯王上。

班固贊曰。易著吉凶。而言謙盈之效。天地鬼神。至于人道。靡不同之。夫女寵之興。繇至微而體至尊。窮富貴而不以功。此固道家所畏禍福之宗也。序自漢興。終於孝平。外戚後庭。色寵著聞。二十有餘人。然其保位全家者。唯文景武帝太后。及邛成后四人而已。至如史良娣。王悼后。許恭哀后。身皆夭折。不辜。而家依託舊恩。不敢縱恣。是以能全。其餘大者夷滅。小者放流。烏呼。鑒前行事。變亦備矣。

東漢皇后紀叙論秦并天下。多自驕大。宮備七國。史記

始皇破六國。馮故其官室。作之咸陽。北阪上南臨渭水。殿屋復道。周閣相屬。所得諸侯美人。以充入之。并

秦為爵列八品。后妾皆稱夫人。又有美人。良人。八子

七子。長史。漢興因循其號。而婦制莫釐。釐。高祖帷薄

不修。曰。大戴禮曰。大臣坐。汚穢男女。無別者。不曰。汚穢

也。修。孝文社席無辯。慎。鄭玄注。禮記曰。社。同坐。是無辯也。

然而選納尚簡。飭翫少華。自武元之後。世增淫費。至

乃掖庭三千。增級十四。健仔一。姪娥二。容華三。克衣

置美人六。順人七。子八。八子九。長使十。使十一。者

秩同。此六等也。妖幸毀政之符。外姻亂邦之跡。前史

載之詳矣。及光武中興。斲彫為朴。六宮稱號。唯皇后

貴人。貴人金印紫綬。奉不過粟數十斛。又置美人宮人。采女三等。並無爵秩。歲時賞賜。充給而已。漢法常因八月筭人。漢儀注曰。八月初遣中大夫與掖庭丞及相士於洛陽鄉中。閱視良家童女。年十三以上。二十以下。姿色端麗。合法相者。載還後宮。擇視可否。乃用登御。所以明慎聘納。詳求淑哲。明帝聿遵先旨。宮教頗修。登建嬪后。必先令德。內無出閫之言。權無私溺之授。可謂矯其敝矣。向使因設外戚之禁。編著甲令。改正后妃之制。貽厥方來。豈不休哉。雖御已有度。而防閑未篤。故孝章以下。漸用色授。恩隆好合。遂亡

緇蠹。

緇。黑也。蠹。食木也。以俞傾敗也。

云云。

見太

故考列行跡。

以為皇

后本紀。雖成敗事異。而同歸正號者。並列于篇。其以

私恩追尊。非當時所奉者。則隨事附出。謂安帝母左

貴人之類。並見

清河孝王傳。

親屬外事。各依列傳。其餘無所見。則

係之此紀。謂賈貴人之類。是虞以續西京外戚云爾。

光武郭皇后。諱聖通。真定豪人。更始二年。光武擊王

郎。至真定。納后有寵。即位。以為貴人。建武二年。立為

皇后。十七年。以寵衰。怨懟。廢為中山王太后。后中子

王二十二年。中山王徙封沛。王后為沛太后。二十八年

薨。葬北芒。

薨。葬北芒。

按西都廢后。如薄。如陳。如霍。如許。皆幽之別宮。至光武郭后。則以有子為王。故得隨子之國。然帝在而稱太后。非名也。

光烈陰皇后名麗華。南陽新野人。更始元年。帝納后於宛。即位封貴人。生顯宗。十七年。廢皇后郭氏而立貴人。制詔三公曰。皇后懷執怨對。數違教令。不能撫循它子。訓長異室。宮闈之內。若見鷹鷂。既無關睢之德。而有呂霍之風。豈可託以孤幼。恭承明祀。其上皇后璽綬。陰貴人鄉里良家。歸自微賤。自我不見。于今三年。宜奉宗廟。為天下母。王者詳按舊典。時上尊號。

異常之事。非國休福。不得上壽。稱慶。顯宗即位。尊為皇太后。

明德馬皇后。伏波將軍援之小女。世祖時。選入太子宮。顯宗即位。以為貴人。永平三年。立為皇后。肅宗即位。尊為皇太后。

賈貴人。南陽人。建武末。選入太子宫。生肅宗。為貴人。帝既為明德后所養。專以馬氏為外家。故貴人不登極位。及太后崩。乃冊書加貴人王赤綬。諸侯王亦綬也。

章德竇皇后。扶風平陵人。大司徒融之曾孫。以選入掖庭。建初三年。立為皇后。和帝立。尊為皇太后。

梁貴人梁竦女。建初中。入掖庭。生和帝。竇后以為已子。忌梁氏。誅竦。貴人以憂卒。竇后崩。上尊號曰恭懷。皇后追服喪服。葬西陵。

和帝陰皇后。光烈皇后兄。執金吾識之。曾孫永元四年。選入掖庭為貴人。八年。立為后。十四年。坐祝詛事。廢遷桐宮。以憂卒。立七年。葬臨平亭部。

和熹鄧皇后。名綏。太傅禹之孫。永光八年。入掖庭為貴人。十四年。陰后廢。立為皇后。帝崩。殤帝立。尊為皇太后。

安思閻皇后。名姬。河內滎陽人。元初元年。以選入掖庭為貴人。二年。立為皇后。譖皇子保。廢之。帝崩。立北。卿侯懿。尊為皇太后。

安帝官人李氏。生皇子保。閻后專房。妬忌。鸞殺李氏。譖廢保為濟陰王。安帝崩。立北。卿侯懿卒。中黃門孫程等迎保。立之。為順帝。遷閻太后於離宮。后崩。上李氏尊號曰恭愍皇后。葬恭北陵。為策書金匱藏于世。祖廟。

順烈梁皇后。名嬀。音納。納。娶也。大將軍商之女。永建三年。入掖庭為貴人。陽嘉元年。立為皇后。順帝崩。冲帝立。尊為皇太后。

虞美人。以良家子選入掖庭。生冲帝。帝早夭。大將軍梁冀秉政。忌惡他族。故抑而不登。但稱大家而已。陳夫人。魏郡人。少以聲技入孝王宮。得幸。生質帝。亦以梁氏故。榮寵不及熹平四年。小黄門趙祐等言春秋之義。母以子貴。今冲帝母虞大家。質帝母陳夫人。皆誕聖皇。而未有稱號。夫臣子雖賤。尚有追贈之典。况二母見在。不蒙崇顯。之次。無以述尊先世。垂示後世也。帝感其言。乃拜虞大家為憲陵貴人。陳夫人為淳海孝王妃。孝王名鴻。生質帝。使中常侍持節授印綬。遣太常以三牲告憲陵。懷陵。靜陵焉。懷陵。冲帝陵。靜陵。質帝陵。

桓帝。懿獻。梁皇后。名女瑩。順烈皇后之女弟。帝立。迎立為皇后。皇太后崩。恩愛稍衰。延熹三年。以恚崩。在位十三年。葬懿陵。其歲。誅梁冀。廢懿陵為貴人家。

帝既立。明年。有司奏太后曰。春秋迎皇后于紀。在塗則稱后。今大將軍冀女弟。應昭聖善。結昏之際。

有命既集。

帝為蠡吾侯。梁太后徵欲與后為后。宜備昏未及。而質帝崩。帝即位。冊為后。

禮進徵幣。於是悉依孝惠皇帝納后故事。聘黃金二萬斤。納采。鴈。璧。乘馬。束帛。一如舊典。

桓帝。鄧皇后。名猛女。和熹皇后從兄子鄧香之女。永興中。進入掖庭。為采女。絕幸。梁后崩。梁冀誅。立為后。

八年坐驕忌廢以憂死立七年葬北邙

桓思竇皇后名妙章德皇后從祖弟孫女延熹八年

鄧后廢以選入掖庭為貴人其冬立為皇后帝崩靈

帝立尊為皇太后

靈帝宋皇后扶風平陵人肅宗宋貴人之從曾孫建

寧三年選入掖庭為貴人明帝立為皇后無寵為中

常侍王甫及後宮幸姬等所譖坐廢以憂死

靈帝冊宋貴人為皇后天子御章德殿軒百官陪

位太尉襲使持節奉璽綬皇后北面帝南面太尉

立階下東向宗正大長秋西向宗正讀冊文曰惟建寧四年

年七月乙未制詔皇后之尊與帝同體供奉天地

祇承宗廟母臨天下故有莘與殷姜任母周二代

之崇蓋有內德長秋官闕中宮曠位宋貴人垂

綬之懿體河山之儀威容昭曜德冠後庭群僚所

咨人曰宜哉卜之著龜卦得坤乾有司奏議宜稱

絨組以母兆人今使太尉襲使持節奉璽綬宗正

尊禮典肅慎中饋毋替朕命永終天祿冊文畢

皇后拜稱臣任位太尉授璽綬中常侍長秋太僕

高鄉侯覽長跪受璽綬奏於殿前女使授婕妤遂

長跪受以授昭儀受長跪以帶皇后皇后伏起拜

稱臣妾畢黃門鼓吹三通鳴鼓畢群臣以次出后

即位大赦天下皇后秩比國王即位威儀赤紱玉

璽也漢制乘輿黃赤綬四乘黃赤纁紺純黃質長二丈九尺九寸太子太后與乘輿同

靈思何皇后。南陽宛人。家本屠者。以選入掖庭。

風俗通曰

漢以八月筭人。后家以金帛賂遺主者。以求之也。生皇子辯。拜為貴人。

光和三三年。立為皇后。靈帝崩。皇子辯即位。尊為皇太

后。

王美人。趙國人。以良家子選入掖庭。生皇子協。何后妬而醜之。董卓既廢少帝。立協。是為獻帝。後追尊為靈懷皇后。改葬文昭陵。

獻帝伏皇后。名壽。琅邪東武人。大司徒湛之八世孫。初平元年。入掖庭為貴人。興平二年。立為皇后。建安十九年。為曹操所殺。在位二十年。獻穆曹皇后。名節。

魏公曹操之中女。建安十八年。操進三女。憲節華為

夫人。聘以束帛。玄纁五萬匹。小者待年於國。

留住於國以待

長年十九年。並拜貴人。伏皇后殺。立節為皇后。在位七

年。帝禪于魏。降為山陽公夫人。魏景初元年。薨。合葬禪陵。

范曄論曰。漢世皇后無謚。皆因帝謚以為稱。雖

呂氏專政。上官臨制。亦無殊號。

上官昭也

中興明

帝始建光烈之稱。其後並以德為配。至於賢愚

優劣。混同一貫。故馬竇二后。俱稱德焉。其餘惟

帝之庶母。及蕃王乘統。以追尊之重。特為其號。

如恭懷孝崇之比。是也。初平中。蔡邕始追正和

熹之謚

蔡邕集議曰漢世母氏無謚至于明帝始建光烈之稱是後轉因帝彌嘉之以

德上下優劣混而為一違禮大行受大名小行受小名之制謚法有功安人曰熹帝后一體禮亦宜同大行皇太后謚宜為和熹其安思順烈以下皆依而加

焉

魏因漢法。母后之號。皆如舊制。自夫人以下。世有增損。太祖建國。始命王后。其下五等。有夫人。有昭儀。有婕妤。有容華。有美人。文帝增貴嬪。淑媛。脩容。順成。良人。明帝增淑妃。昭華。脩儀。除順。成官。太和中。始復命夫人。登其位於淑妃之上。自夫人以下。爵凡十二等。

貴嬪夫人。位次皇后。爵無所視。淑妃位視相國。爵比諸侯王。淑媛位視御史大夫。爵比縣公。昭儀比縣侯。昭華比鄉侯。脩容比亭侯。脩儀比關內侯。婕妤視中二千石。容華視真二千石。美人視比二千石。良人視比千石。武宣卞皇后。琅邪開陽人。本倡家。年二十。太祖納之於譙為妾。生文帝。諸子無母者。皆令母養之。建安二十四年。拜為王后。文帝受禪。尊為皇太后。文昭甄皇后。中山無極人。本袁熙妻。冀州平。文帝納之。生明帝。皇初二年。以怨望賜死。明帝即位。追謚文德郭皇后。安平廣宗人。太祖時得入東宮。文帝為太

子。立為夫人。及踐阼為貴嬪。黃初三年。立為皇后。明帝即位。尊為皇太后。

明悼毛皇后。河內人。黃初中。以選入東宮。明帝即位。以為貴嬪。太和元年。立為皇后。景初元年。以愛施賜死。加謚葬愍陵。

明元郭皇后。西平人。世河右大族。黃初中。本郡反叛。遂沒入宮。明帝愛幸之。拜為夫人。後立為皇后。齊王即位。尊為太皇后。

魏制。天子冊后。以皮馬庭實加穀珪。齊王正始四年。立后甄氏。其儀不存。

晉景獻羊皇后。名徽。瑜泰山南城人。景帝納之。無子。

武帝受禪。居弘訓宮。謫宏訓太后。咸寧四年崩。文明

王皇后。名元姬。東海郟人。父肅。魏中領軍。陵侯。歸于

文帝。生武帝。帝受禪。尊為皇太后。宮曰崇化。初置宮。卿重其

選以太常諸葛緒為衛尉。太僕劉原為太僕。宗正曹楷為少府。四年崩。

武元楊皇后。名艷。弘農華陰人。父文宗。文帝為世子

聘之。即位。立為皇后。有司奏依漢故事。皇后太子各食湯沐邑四十縣。而帝以非古

典不生惠帝。泰始十年崩。葬峻陽陵。

泰始中。帝博選良家以充後宮。先下書禁天下嫁娶。使宦者乘使車給駟騎州郡。召充選者。使后揀

擇。后性妬。惟取潔白長大。端正美麗者。司徒李胤
領軍大將軍胡奮。廷尉諸葛沖。太僕咸。權侍中馮
孫秘書郎左思。及世族子女。並充三夫人九嬪之
列。司冀。兗。豫。四州。二千石將吏家補良人以下。名
家盛族子女。多敗衣瘁兒以避之。九年。帝多遣
良家子女以充內職。自擇其美者。以絳紗繫臂。平
吳之後。復納孫皓宮人數千。自此掖庭殆將萬人
而並寵者甚衆。帝莫知所適。常乘羊車。恣其所之。
至便宴寢宮。人乃取竹葉插戶。以鹽汁灑地。而引
帝車。

太始十年。將聘三夫人九嬪。有司奏禮。皇后聘以
穀珪。無妾媵禮贄之制。曰。詔拜授。可依魏氏故事。
於是臨軒使使持節。兼太常拜三夫人。兼御史中
丞拜九嬪。

武悼楊皇后。名芷。元后從妹。父駿。以咸寧二年立為
皇后。惠帝立。尊為皇太后。

武帝咸寧二年。臨軒遣太尉賈充策立皇后楊氏。
因大赦。賜王公以下各有差。百僚上禮。納悼。太

康八年。有司奏大婚納徵。用玄纁束帛加穀珪馬

二駟羊鴈酒米如故。尚書朱整議按魏昏故事天
子以皮馬為庭實加以穀珪

左貴嬪名芬。兄思。好學善文。名亞於思。武帝聞其名。納之。拜修儀。

胡貴嬪名芳。父奮。太始九年。納宮中。拜貴嬪。生武安公主。

諸葛夫人。名婉。琅邪陽都人。父冲。以泰始九年入宮。拜為夫人。

惠賈皇后。名南風。平陽人。父充。泰始八年。冊拜太子妃。帝即位。立為皇后。干政廢楊太后。淫恣。在位十一年。趙王倫等廢而殺之。

惠羊皇后。名獻容。泰山南城人。賈后既廢。孫秀乃立為皇后。時太安元年。成都王穎奏廢為庶人。陳曠等伐義復后位。張方入洛。又廢后。大駕幸長安。又復。永興初。又廢河間王顥。欲殺后。周馥止之。帝崩。懷帝立。尊為惠皇后。居弘訓宮。洛陽敗。沒於劉曜。曜僭位。以為后。生二子而死。偽謚文獻皇后。

先公曰。自司馬懿廢齊王芳。司馬昭弒高貴鄉公。而皆假太后以為言。既以此得成篡矣。詎意其後改易詔書。黜亮升駿者。后為之也。偽立文。字弒武悼。殺愍懷者。后為之也。彼羊后區區一放廢婦人。囚處宮圍。何預世事。而今日復明日。

廢紛紛未已。何耶。姦人常懼有假之以舉事。如前之為者。是以一人復之。則一人廢之。至尊辱於非類而后已。哀哉。誰實基之。

謝夫人名玖。父以屠羊為業。武帝時入後庭。為才人。帝以賜太子。生皇孫適。適立為太子。拜淑媛。及愍懷太子遇害。玖亦死。

懷帝王太后。名瑗。武帝宮才人。生懷帝。早卒。帝即位。追尊曰皇太后。

元帝夏侯太妃。名光姬。沛國譙人。瑯邪武王為世子。納焉。生元帝。帝嗣位。稱王太妃。永嘉初薨于江左。

元敬虞皇后名孟母。濟陽外黃人。父豫。元帝為琅邪王。納為妃。無子。永嘉六年薨。太興三年。追冊為皇后。豫章君荀氏。元帝宮人。生明帝。帝即位。封建安君。成帝立。尊重同於太后。咸康元年薨。

明穆庾皇后名文君。潁川鄆陵人。父琛。元帝聘為太子妃。明帝即位。立為皇后。成帝即位。尊為皇太后。

晉太康中有司奏太子昏。納徵用玄纁。東帛嘉璧。

羊馬二駟。

東晉太子昏。納徵禮用玉璧一。虎皮二。

王虎之。上書曰。或者。

虎取威猛。有斑彩。蔚玉象德。而有潤珪璋。亦玉之美者。豹皮彩蔚。以譬君子。玉肅。納徵辭云。玄纁。東

帛儷皮鴈羊前漢亦無用羊之禮鄭氏昏物贊曰羊者祥也婚之有羊自漢末始

成恭杜皇后名陵陽京兆人鎮南將軍預之曾孫成

帝備禮拜為皇后在位六年崩年二十一

咸康二年帝臨軒遣使持節兼太保領諸葛恢兼太

尉護軍孔愉六禮備物拜皇后杜氏即日入宮帝御

太極殿群臣畢賀賀非禮也王者昏禮禮無其制春

與公羊又不同而况漢魏遺事闕略者衆晉武惠納

后江左又無儀注故成帝將納杜后大常華恒始與

禮之士參定其儀據杜元愷左氏傳說主昏是供其昏

錄為王者昏禮故成帝臨軒遣使章太妃周氏以選入成帝宮生哀帝及海西公拜貴

人哀帝即位詔有司議貴人位號太尉相溫議宜稱

夫人尚書僕射江勰議應曰太夫人詔崇為皇太妃

儀服與太后同

康獻褚皇后名蒜子河南陽翟人父哀少以名家入

為琅邪王妃康帝即位立為皇后穆帝即位尊為皇

太后

康帝建元元年納后褚氏而儀注陞者不設旄頭

殿御史奏令迎皇后依昔成恭皇后入宮御物而

儀注至尊袞冕升殿旄頭不設昔迎恭皇后唯作

青龍旂其餘皆即御物令臨軒遣使而五牛旗旄

頭畢罕並出。即用舊制。今闕詔曰。今所以正法服升太極者。以敬其始。故備禮也。今何闕所重而撒法物耶。又恭后神主入廟。先帝詔后禮宜有降。不宜建五牛旗。既不設五旗。則旄頭畢罕。易具也。又詔舊制既難具。於今而備法服。儀飾粗舉。兼副雜器。停之。穆帝永和十年。臺符問六禮板文。舊稱皇帝。今太后臨朝。當何稱。博士曹耽云。公羊傳昏禮不稱主人。毋命諸父為主。傳記裂繻來迎女不稱使也無辭窮乃命使者耳。太常王彪之云。三傳異義。不可全據。今皇后臨朝。稱制文告。所達國之大典。皆仰稟成命。非無外

事也。豈婚聘獨不通乎。六禮板文。應稱皇太后詔。

彪之又曰天子嫁女使同姓之國為主者以受體於皇極則有虧昏姻之敵禮至于迎后之制必禮成而後入雖復戚屬之尊亦臣妾也天王之后寧可先之蕃國然後入臨六官乎是以祭公來迎王后于紀使我為媒不云為主符又問。今后還政。不復臨朝。當何

稱。彪之云。當稱皇帝詔。升平元年。將納皇后何氏。

彪之正禮。始更六引經傳及諸故事深非公羊昏禮不稱主人之義曰。王者之

於四海。無不臣妾。雖復父兄之親。師友之賢。皆純

臣也。夫崇三綱之始。定乾坤之儀。安有天父之尊。

而稱臣下之命。以納伉儷。安有臣下之卑。而稱天

父之名。以行大禮。遠尋古禮。於義不通。按咸寧二

年。納悼皇后。時弘訓太后臨天下而無命戚屬之

臣為武皇父兄主婚之文。考咸寧故事。不稱父兄

師友。則咸康華恒所上合於舊也。謂今納后儀制

一依咸寧故事。從之。華恒定六禮云宜依舊及大

故王彪之名從咸康由此也唯以娶婦之家三日

不舉樂而咸康羣臣賀為失禮故但作咸康上禮

羣臣不復賀也其告廟六禮板文等。皆彪之所定。博士孫

厚八分以象八節皆真書后家答則以鮫脚書之

納採用鴈一頭。白羊一口。酒十二斛。前文曰皇帝咨

都鄉侯何暉元資始肇經人倫爰及夫婦以奉宗

廟天地社稷謀于公卿咸以為宜率由舊典今使

持節崇德衛尉領大常彪之兼宗正散騎侍郎綜

以禮納采后家答曰皇帝嘉命訪昏陋族備數采

擇臣之先臣散騎侍郎准之遺女未閑教訓衣履

若人欽承舊章肅奉典制前太尉將軍都鄉侯糞

土臣何琦頓承制問名。用鴈羊如前。文曰皇帝曰

何兩儀配合承天統物正位于內必侯命族重申

舊典今使持節某官彪之某官綜以禮問名后家

答曰皇帝嘉命使者彪之重宣中詔問臣名族女

父母所生先臣故光祿大夫呼婁侯偵之遺玄孫

先臣故蔡州刺史史闕內侯悼之曾孫先臣故安豐

太守閔內中侯友之孫先臣故散騎侍郎准之遺

文獻通考卷之三十三

三十三

帛三匹。絳二匹。絹二百匹。獸皮二枚。錢二百萬。玉

璧一枚。酒十二斛。馬六駟。文曰：皇帝曰：咨其官某

德窈窕之姿。如山如河。宜奉宗廟。永承天祚。以玄纁皮馬羊錢。璧以章典禮。今使持節兼司徒。光祿

勳。閔內侯恪。崇德衛尉領太常。廕之以禮。納徵。后家。答皇帝嘉命。使者恪重宣中詔。降昏卑陋。命以

上公。寵以豐禮。備物典策。欽承舊章。肅請期用。鴈奉典制。前其官某。侯云云。再于承制。詔請期用。鴈

羊酒米如初。文曰：皇帝曰：咨前某官某。侯何謀于

今使某官。廕之某官。綜以禮請。期后家。答皇帝嘉命。使者廕之。重宣中詔。吉日惟八月壬子。可迎。臣

欽奉舊章。肅奉典制。前其官某。侯其再拜承制。詔迎用鴈羊酒米如初。文曰：皇帝曰：咨前某官某。侯何歲吉。月令吉日。唯未率

禮以迎。今遣使持節兼太保侍中太宰武陵王晞。迎后家。答皇帝嘉命。使者晞重宣中詔。今月吉辰

備禮以迎。上公宗卿。燕至副介。近臣百兩。臣蠖蟻

之族。猥承大禮。憂懼戰悸。欽承舊章。肅奉典制。前其官某。侯其再拜承制。詔迎用鴈羊酒米如初。

上謹策皇后文曰：惟升平元年八月。皇帝使使持

節兼太保侍中太宰武陵王晞。冊命故散騎侍郎

女何氏為皇后。咨爾易本乾坤。詩首關雎。王化之

本。寔由內輔。是故皇英。嬪虞。帝道以光。姪妣母周

胤。嗣克崇。皇后其祇勗厥德。以肅承宗廟。虔恭中

饋。盡敬婦道。帥導六宮。作軌儀于四海。皇天無親

惟德是依。可不慎歟。

穆章何皇后。名法倪。廬江瀟人。父準。升平八年。以名家。膺選冊為皇后。無子。哀帝即位。稱穆皇后。居永安。

宮。永興三年崩。年六十六。在位四十八年。

哀靖王皇后。名穆之。太原晉陽人。司徒左長使濛之
女。哀帝即位。以王妃立為皇后。無子。三年崩。

廢帝庾皇后。名道愴。潁川陽陵人。父冰。初為東海王
妃。王即位。立為后。太和六年崩。帝廢。追贈為海西
公夫人。

簡文宣鄭太后。名阿春。河南滎陽人。先適渤海田氏。
生一男而寡。元帝納之。生簡文帝。咸和元年薨。簡文
即位。未及追崇。孝武時。追上尊號曰簡文太后。

簡文順王皇后。名簡姬。太原晉陽人。父遐。遂為會稽
王妃。生子道生。失意以憂死。孝武帝即位。追尊曰順
皇后。合葬高平陵。

孝武文李太后。名陵容。本出微賤。簡文屢失子。召幸
之。生孝武帝。帝即位。尊為淑妃。後追為皇太妃。

孝武定王皇后。名法慧。哀靖皇后之姪。父蘊。孝武即
位。納為后。太元五年崩。年二十一。葬隆平陵。

安德陳皇后。名歸女。松滋尋陽人。孝武時入宮。為淑
媛。生安恭二帝。後追崇曰太后。

安僖王皇后。名神愛。琅邪沂人。父獻之。初為太子
妃。安帝即位。立為皇后。無子。義熙八年崩。年二十九。

葬休平陵

恭思褚皇后。名靈媛。河南陽翟人。父爽。初為琅邪王妃。恭帝即位。立為皇后。帝禪位。降為零陵王妃。宋元嘉十三年崩。年五十三。祔葬冲平陵。

文獻通考卷二百五十三終

